

近
光
集

近光集卷十五 七言律

長洲汪士鋐 文升編纂

大同武弘彥 潞文叅注

天文

雨後月中玉堂閒坐

韓偓

銀臺直北金鑾外
暑雨初晴皓月中
唯對松篁聽刻漏
更無塵土翳虛空
綠香熨齒冰盤果
清冷侵肌水殿風
坐久忽聞鈴索動
玉堂西畔響丁東

玉堂

夢溪筆談唐翰林院在禁中乃人主燕居之所玉堂承明金鑾殿皆在其間

銀

臺金鑾

唐會要學士院在銀臺門內又置東翰林院於金鑾殿西刻漏後漢律曆

志孔壺為漏

浮箭為刻

鈴索

見一卷院鈴注

內直對月寄子華舍人持國廷評

歐陽修

禁署

一作省

沈沈玉漏傳月華雲表溢金盤纖埃不

隔光初滿萬物無聲夜向闌蓮燭燒殘愁夢斷蕙

鑪薰歇覺衣單水晶宮鎖黃金闕故比人間分外

寒

玉漏

蘇味道詩金吾不禁夜玉漏莫相催

蓮燭

唐令狐綯傳為翁林承旨夜料

燭盡帝以乘輿金
蓮華炬送還院
水晶宮述異記闔廬備極珍巧皆出自水

府
黃金闕見五卷金闕注

水中月

謝宗可

晴波浸月月波浮玉兔涼生萬頃流丹桂影沈江
浦夜白蓮光浴海天秋鮫人織罷綃猶濕龍女妝
成鏡未收應是廣寒眠不得水晶宮裏夜深遊

月波見一卷金波注玉兔見十卷四卷丹桂見六卷桂月注鮫人見五卷

龍女岑參詩龍女何處來來時乘風雨廣寒明皇遊月宮見勝日廣寒清虛之府

見天寶遺事

卷之二十五 天文

句

未離海底千山暗纔到天中萬國明
宋太祖華山下日出

奉和聖製從蓬萊向興慶閣道中畱春雨

中春望之作應制 王維

渭水自縈秦塞一作甸曲黃山舊遶漢宮斜鑿輿迴

出仙門柳閣道迴一作遙看上苑花雲裏帝城雙鳳

闕雨中春樹萬人家為乘陽氣行時令不是宸遊

翫一作重物華

蓬萊見五卷蓬萊三殿注興慶宮見九卷閣道見二卷

黃山

見二卷

鳳闕

長安志大明宮南面五門正南曰丹鳳宮之正門也

興慶閣道中雨中春望應制

李愷

別館春還淑氣催
三宮路轉鳳皇臺
雲飛北闕輕陰散
雨歇南山積翠來
御柳遙隨天仗發
林花不待曉風開
已知聖澤深無限
更喜年芳入睿才

別館

西京賦離宮別館三十六所

三宮

謂蓬萊興慶芙蓉園也詳見二卷夾城注

仗

見二卷

北堂春雨

韓琦

葉葉輕雲障薄羅
坐看膏澤灑庭柯
風前芳杏紅

香減煙外垂楊綠意多聲落檐牙飛短瀑點明池
面起圓波晴來西北憑闌望拂黛遙峰濯萬螺

春雨

楊載

濛濛春雨暗重城莽若山林雲氣生駕過東朝霑
羽蓋仗移前殿濕霓旌蒼松密掩巖頭鶴翠柳深
藏谷口鷲明日不愁花爛漫新晴陌上有人行

羽蓋

東京賦樹翠羽之高蓋

霓旌

上林賦拖蜺旌靡雲旗注析羽毛染以五采綴

以縷為旌有似虹蜺之氣也

四月五日微雨免朝與李太史世賢共出

皇城門喜而有作

程敏正

輕陰小雨夜連晨中使傳呼散紫宸
天氣薰蒸疑作暑風光回轉欲畱春
班分輦道花迎珮仗出宮牆
柳映人獨喜聯鑣歸去早六街消盡馬蹄塵

紫宸

宋禮志入閣者乃唐舊日紫宸殿受常朝之儀也唐紫宸與今同

東郊時雨

李東陽

鳴鳩將雨過東林細草青郊望轉深潤入土膏春
脉脉暝含山色晝沈沈
尋花問柳遊人興荷鍤扶犁野老心
見說帝城多景物春晴未必勝春陰

土膏

見八卷

句

小雨染成芳草色好風吹斷畫簷聲

陸游小園初霽

和王員外晴雪早朝

錢起

紫微晴雪帶恩光繞仗偏隨鷓鴣行長信月留寧
避曉宜春花滿不飛香獨看積素凝清禁已覺輕
寒讓太陽題柱盛名兼絕唱風流誰繼漢田郎

紫微

見十卷

鷓鴣行

見六卷

長信

三輔黃圖長樂宮西有長信宮

宜

春

三輔黃圖宜春下苑在京城南隅

題柱

見十卷

和祠部王員外雪後早朝卽事

岑參

長安雪後似春歸積素凝華連曙暉色借玉珂迷
曉騎光添銀燭晃朝衣西山落月臨天仗北闕情
雲捧禁闈聞道仙郎歌白雪由來此曲和人稀

玉珂

見一卷

銀燭

見一卷

白雪

見一卷
郢歌注

壬申元日大雪二日立春晴景豁然春讌

有作

張翥

白雪晴天映日紅樓臺高下玉山中盤蔬曉送冰

絲脆釵杏春生蠟蒂紅北斗龍杓迴後夜東皇鸞
輅駕靈風何如得接雲霄上一看煙花繞禁宮

盤蔬

見六卷春盤注

北斗迴

見二卷星迴次注

杓

見一卷寅杓注

東皇

尚書緯春為東皇又為青帝

雪中早朝

張翥

北風吹雪浩漫漫曉出津橋立馬看春入上林花
樹早水連平地海波乾金城萬雉微茫濕貝闕雙
龍鬣扇寒今日天顏知有喜紫宸朝下散千官

金城

西都賦建金城之萬雉注雉長三丈高一丈

貝闕

見八卷貝闕見一

卷

雪後早朝

李東陽

六日長安雪滿城五更鍾鼓一時晴
水晶宮冷雲猶凍鳩鵲樓高月正明
朝馬不嘶金勒靜院燈無影
玉堂清祇應天上寒如許怪底人間夢不成

鳩鵲樓

吳均詩日映昆明水春生鳩鵲樓

雪夜直宿玉堂

黃清老

琪樹花生禁漏遲金莖月色近書闈
白雲入水春無迹銀漢橫空夜有輝
竹靜似聞蒼玉珮松寒欲

傍綠荷衣乾坤清氣蓬萊表獨對天風拂素徽

金莖見一卷 蒼玉珮禮記大夫珮水 蒼玉而純組綬

奉酬辛大夫喜湖南臘月連日降雪見示

之作 劉長卿

長沙耆舊拜旌旗喜見江潭積雪時柳絮三冬先

北地梅花一夜遍南枝初開窗閣寒光滿欲掩軍

城暮色遲閭里何人不相慶萬家同唱郢中詞

柳絮見一卷 梅花梁簡文帝雪朝詩落梅 飛四注翻霓舞三襲 南枝

白氏六帖大庾嶺上 郢中詞見一卷 梅南枝落北枝開郢歌注

對雪

李商隱

寒氣先侵玉女扉清光旋透省郎闈梅花大庾嶺
頭發柳絮章臺街裏飛欲舞定隨曹植馬有情應
濕謝莊衣龍山萬里無多遠畱待行人二月歸

玉女扉

見十卷

省郎闈

白氏六帖諸曹郎署曰粉署

大庾嶺

舊書

地理志韶州東嶠縣即大庾嶺一名梅嶺

章臺街

漢張敞傳時罷朝會過走馬章臺街

注在長安中李白詩章臺折楊柳春日路傍情

曹植馬

曹植有白馬篇

謝莊衣

宋符瑞志大明五年正月戊午元旦花雪降殿庭時右衛將軍謝莊下殿雪集衣還白上以為

瑞於是公卿并作花雪詩

春雪

秦韜玉

雲重寒空思寂寥
玉塵如糝滿春朝
片才著地輕
輕陷力不禁風旋旋消
惹砌任他蝴蝶妬
縈叢自學小梅嬌
誰家醉卷朱簾看絃管
堂深暖易調

玉塵

見一卷

句

冬回庾嶺花無數
煙暖藍田玉有苗

尤延之甲午春前得

雪

慶雲見

李紳

禮成中岳陳金冊祥報慶雲冠玉峰輕未透林疑
待鳳細非行雨詎從龍卷風變彩霏微薄照日籠
光映隱重還入九霄成沆瀣夕嵐生處鶴歸松

慶雲

見六卷
景雲注

從龍

見一
卷

沆瀣

見六
卷

瓊島春雲

李東陽

瑤峰獨立倚空蒼雲去雲來兩不妨旋逐春寒生
苑樹更隨晴日度宮牆玉皇居處重樓擁太史占
時五色光若與山龍同作繪也須能補舜衣裳

玉皇

翼聖傳玉皇君居於
雲房常有紅雲繞之

五色

見六卷
景雲注

山龍

書

月星辰山龍
華蟲作會

早霧

趙抃

山光全暝水光浮數里飛飛曉霧收露彩乍凝藏
漢殿日華不透掩秦樓豈饒文豹遲畱影應有靈
蛇取次遊聖世妖氛消已盡結成佳氣滿南州

文豹

列女傳陶荅子妻曰妾聞南山有玄豹霧雨七日不下食者欲以澤其衣毛而成其

文章故藏以遠害

靈蛇

韓子飛龍乘雲騰蛇游霧雲罷霧散與螾蟻同矣

時合上

奉和立春遊苑迎春應制

沈佺期

東郊暫轉迎春仗上苑初飛行慶杯風射蛟一作狐

冰千片斷氣衝魚鑰九關開林中覓草纔生蕙殿

裏爭花併是梅歌吹銜恩歸路晚棲烏半下鳳城

來

魚鑰見二卷九關禮記命國難九門磔禳注天子九門者路應雉庫阜國近郊遠

郊關門也呂氏春秋注九門三方九門也

立春遊苑迎春應制 武平一

鸞輅青旂下帝臺東郊上苑望春來黃鸝未解林

閒轉紅蕊先從殿裏開畫閣條風初變柳銀塘曲

水半含苔欣逢睿藻光韶律更促霞觴畏景催

鸞輅青旂 禮記孟春之月天子居青陽左个乘鸞路駕蒼龍載青旂衣青衣服蒼玉

霞觴 見十三卷霞杯注

奉和立春遊苑迎春應制 韋元旦

灞溪長安恒 一作常 近日殷正臘月早迎新池魚戲

葉仍含凍宮女裁花已作春向苑雲疑承翠幄入

林風若起青蘋年年斗柄東無限願挹瓊觴壽北

辰

灞溪 見二卷灞漣注 殷正 史記曆書殷正以十二月 池魚 禮記孟春之月東風

解凍魚
上冰
青蘋宋玉風賦夫風起於青蘋之末

立春遊苑迎春應制

崔日用

乘時迎氣正璿衡
灞滻煙氛向晚清
翦綺裁紅妙
春色宮梅殿柳識
天情瑤筐綵燕先
呈瑞金縷晨
雞未欲鳴聖澤陽和宜
宴樂年年捧日向東城

璿樹

書在璿璣玉衡以齊七政疏璿是玉之別名璣衡俱以玉飾璣為轉運衡為橫簫蔡

邕云玉衡長八尺孔徑一寸下端望之轉璣窺衡以知星宿也

灞滻

見二

綵燕

卷

立春

韋莊

青帝東來日馭遲暖煙輕逐曉風吹罽袍公子尊
前覺錦帳佳人夢裏知雪圃乍開紅菜甲綵旛新
剪綠楊絲殷勤為作宜春曲題向花牋帖繡楣

青帝

見東皇注

日馭

廣雅日御曰羲和

綵旛

見二卷金旛注

宜春

荆楚

歲時記立春日帖宜春二字

春日五門西望

王建

百官朝下五門西塵起春風過玉堤黃帕蓋鞍呈
了馬紅羅纏頸鬪回雞館松枝重牆頭出御柳條
長水面齊惟有教坊南草綠古苔陰地冷悽悽

五門

禮記注天子五門
臯雉庫應路也

教坊

唐百官志武德殿
後置內教坊於禁

中開元中又置內教坊於蓬萊殿側有音聲博士
京師置左右教坊掌優俳雜伎以中官為教

坊使

和大夫邊春呈長安親故

楊巨源

嚴城吹笛思寒梅二月冰河一半開紫陌詩情依
舊在黑山弓力畏春來遊人曲岸看花發走馬平
沙獵雪迴旌旆朝天不知晚將星高處近三台

吹笛

見二卷
落梅注

將星

見十卷

三台

見一卷
上台注

和樂天早春見寄

元稹

雨香雲淡覺微和誰送春聲人棹歌萱近北堂穿
土早柳偏東面受風多湖添水劑消殘雪江送湖
頭湧漫波同受新年不同賞無由縮地欲如何

北堂

詩焉得諼草言樹之背傳背北堂也

縮地

神仙傳費長房有神術能縮地脉千里在目前宛然

放之復舒如舊

和程員外春日東郊卽事

包何

郎官休浣憐遲日野老歡娛爲有年幾處折花驚
蝶夢數家畱葉待蠶眠藤垂宛地縈朱履泉迸侵
階浸綠錢直待閉關朝謁去鶯聲不散柳含煙

休浣

見七卷
歸沐注

遲日

詩春日
遲遲

蠶眠

李白詩吳地桑
葉綠吳蠶已三

眠蠶書蠶生明日或桑或柘葉晝夜五食七日
不食一日一夜謂之初眠又七日再眠如初又

七日三眠如再又

七日謂之大眠

春晴書事

歐陽修

莫笑青州太守頑三齊人物舊安閑
晴明風日家家柳高下樓臺處處山
嘉客但當傾美酒青春終不換顏顏
惟慙未報君恩了昨日盧公衣錦還

三齊

漢田儉傳注三齊
齊及濟北膠東

次韻春日即事

王安石

人間尙有薄寒侵和氣先薰草樹心丹白自分齊
破蕾青黃相向欲交陰潺潺嫩水生幽谷漠漠輕
煙動遠林病得一官隨太守班春無助愧周任

班春

見後漢崔駰傳
注班布春令

和趙子昂韻

曹子貞

灤水橋邊御道西酒旗間挂夕陽低春從綠樹陰
中老雲補蒼山缺處齊畫戟遙臨青瑣闥紫駟解
惜錦障泥鸞凰自爲明時出宜傍上林高處栖

灤水

見九卷
灤河注

畫戟

韋應物詩兵
衛森畫戟

青瑣闥

見一
卷

紫

驪

南史羊侃傳帝賜侃河南國紫驪令試之

錦障泥

晉王濟傳濟善解馬性嘗乘一

馬著連乾障泥前有水不肯渡濟曰此必是惜障泥使人解去便渡梁簡文帝詩未垂青鞞尾

猶挂錦

障泥

柳簇金溝蘸碧波雲深貝闕瞰重波鳳皇曲奏鈞

天樂烏鵲橋通織女河萬井閭閻春澹蕩六街車

馬曉坡陀山人素有林泉興奈此清時侍從何

金溝

南史羊定子傳金溝清泚銅池搖颺

鈞天樂

見二卷廣樂注

烏鵲橋

見二卷度橋人注

坡陀

匡謬正俗坡陀者猶言靡迤也

春日應制

王鏊

奉天朝罷曉瞳矐
敕使傳宣籓苑東
好雨晴時三月裏
鑿輿遙過百花中
東皇默運無言化
南國新收不戰功
歸坐明堂還布德
豫遊分與萬方同

籓苑

見二卷

句

盤出高門行白玉
菜傳纖手送青絲

杜甫立春

二月煙花迷柳色
九衢風土帶花香

宋郊立春禁中作

天知惜日遲遲暮
春為催花旋旋紅

徐夔曲江宴日

樹頭蜂抱花鬚落
池面魚吹柳絮行

韓偓殘春

冰從太液池邊動，柳向靈和殿裏看。

宋郊立春禁中作

背城野色雲邊盡，隔屋春聲樹外深。

王安石御河

庭前落絮誰家雨，葉裏新聲是處鶯。

張耒暮春

蹴鞠場邊萬人看，鞦韆旗下一春忙。

陸游晚春

深綠漸歸高柳葉，淺紅初上小梅梢。

韓仲正正月十三日

春來天上渾無迹，月到花間似有痕。

王禕京城春夜

元日朝下呈元逢吉舍人

楊巨源

華夷文物賀新年，霜仗遙排鳳闕前。一片綵霞迎

曙日，萬條紅燭動春天。稱觴山色和元氣，端冕爐

香墨瑞煙共說正初多聖澤試過西掖問群賢

西掖

見一卷

元日樓前觀仗二首

薛逢

千門曙色鑠寒梅五夜疎鍾曉箭催寶馬占堤朝
闕去香車爭路進名來天臨玉几班初合日照金
雞仗欲迴更傍紫微瞻北斗上林佳氣滿樓臺

五夜

見二卷

曉箭

見玉漏注

寶馬

見九卷

玉几

周禮天子左右玉几

金雞

見十一卷雞竿注

瞳瞳初日照樓臺漠漠祥雲雉扇開星駐冕旒三

殿曉雲翻珠翠六宮來山呼聖壽煙霞動風轉金
章鳥獸迴欲識普恩無遠近萬方歡抃一聲雷

雉扇

見十一卷
雉尾注

三殿

見三卷

山呼

見六卷

元日含元殿下立仗上門下相公二首

楊巨源

天垂台耀掃欃槍壽獻香山祝聖明丹鳳樓前歌
九奏金雞竿下鼓千聲衣冠南向熏風動文字東
方喜氣生從此登封資廟畧兩河連海一時清

台耀

見一卷
上台注

欃槍

大人賦注
欃槍奔星也

登封

見一卷

臨軒啓扇似雲收率土朝天劇水流瑞色含春當
正殿香煙捧日在高樓三朝氣早迎恩澤萬歲聲
長繞冕旒請問漢家功第一麒麟閣上識鄼侯

三朝

見一卷

第一功

見七卷

麒麟閣

見七卷

鄼侯

史記蕭相

國世家高祖以蕭何功最盛封爲鄼侯

都門元日

薩都刺

元日都

一作端

門瑞氣新層層冠蓋

一作帶

羽林軍雲

邊鵠立于宮曉天上龍飛萬國春宮殿日高騰紫

靄

一作氣

簫韶風細入青雲太平天子恩如海亦遣

椒觴到小臣

羽林

漢百官公卿表注師古曰羽林宿衛之官言其如羽之疾如林之多也

椒觴

見二卷
椒酒注

元旦

張泰

天上寒星歛曙鍾海隅佳氣溢晴空東華湧出瞳
矐日南極吹來長養風丹鳳曆端觀夏正瑤華枝
上見春工體元天子調元相管領民歸玉燭中

東華

雲笈七籤東華者仙真之州也

長養風

禮記疏南風長養萬物

鳳曆

見七

體元

左傳注凡人君即位欲其體元以居正

調元

王勃乾元殿頌璿宮

夜靜居龍幃而調元春秋胡傅體

元者人君之職調元者宰相之事

玉燭見三卷

丁亥元日

張翥

梅花院落雨聲中
窗外春寒淄淄風
臘酒撥醅浮
玉螳夜鐙挑燼落
金蟲星環甲紀驚
身老雪解寅
朝驗歲豐還喜驛
書催上路寸心長
在日華東

浮螳

見四卷

次韻元日朝賀

傅如金

宮漏催朝燭影斜
千官鳴玉動晨鴉
交龍擁日明
丹扆飛鳳隨雲繞
畫車宴罷戴花經
苑路詩成傳

草到山家小儒未得隨冠冕遙聽鈞天隔綵霞

交龍

周禮交龍為旂

元日賀裴都事朝回

李材

海上瓊樓接五城人間歌吹近蓬瀛雲移豹尾旌
旗暖日射螭頭劍珮明拜舞盡隨仙仗入退歸遙
聽玉珂鳴欣欣百草含春意得傍東君暖處生

蓬瀛

見二卷
鼇山注

豹尾

蔡邕獨斷屬車八十
一乘最後車縣豹尾

螭頭

見十

卷螭

均注

人日大明宮恩賜綵縷人勝應制

沈佺期

拂旦雞鳴仙衛陳憑高龍首帝城春千官黼帳杯
前壽百福香奩勝裏人山鳥初來猶怯囀林花未
發已偷新天文正應韶光轉設報懸知用此辰

龍首

元和志龍首山在長安縣北十里

百福勝

見十卷綵勝注

句

七葉仙萸依月吐千枝御柳拂煙開

蘇頌人日賜宴

冰開凍水仙宮麗樹發寒花禁苑新

鄭愔人日賜綵縷人

勝

依韻恭和聖製上元觀燈

王珪

侯鯖錄元祐中元夕上御樓觀燈有御製詩時王禹玉蔡持正為左右相持正

叩禹玉云應制上元詩如何使故事禹玉曰鼇山鳳輦外不可使章子厚笑曰

此誰不知後兩日登對上獨賞禹玉詩云妙於使事即雙鳳雲中扶輦下六鼇

海上駕山來是也

雪消華月滿仙臺萬燭當樓寶扇開雙鳳雲中扶

輦下六鼇海上駕山來鎬宮春酒霑周宴汾水秋

風陋漢材一曲昇平人盡樂君王又進紫霞杯

六鼇

列子龍伯國之大人一釣而連六鼇詳見二卷鼇山注

鎬宮

見二卷鎬飲注

汾水

見二卷
汾歌注

霞杯

見十
三卷

依韻恭和聖製上元觀燈

夏竦

魚龍曼衍六街呈金鎖通宵啓玉京冉冉遊塵生

輦道遲遲春箭入歌聲寶坊月皦龍燈澹紫館風

微鶴燄平宴罷南端天欲曉廻瞻河漢尙盈盈

魚龍曼衍

見九卷
曼衍注

玉京

見一
卷

盈盈

古詩河漢清
且淺相去復

幾許盈盈一水
間脉脉不得語

和史館相公上元觀燈

曾鞏

九衢仙仗豫遊歸寶燭星繁換夕暉傳醖未斜清

禁月散花還拂侍臣衣
天香暗度金蚪暝宮扇
雙開彩鳳飛法曲世人聽
未足卻迎朱輦下端闈

法曲

見四卷

次韻冲卿上元從駕至集禧觀

王安石

昭陵持橐從遊人更見熙寧第四春
寶構中開移玉座華燈錯出映朱塵
輦前時看新歌舞仗外還從舊徼巡
投老逢時追往事卻含愁思度天津

昭陵

宋仁宗紀 葬永昭陵

持橐

見八卷

熙寧

神宗年號

徼巡

漢百官公

卿表中尉掌徼循京師天津見二

〔注〕遊徼循禁備盜賊也

卷

京師上元夜

雅琥

華月澄澄宿霧收
萬家燈火見皇州
天闈虎豹依霄漢
人海魚龍混斗牛
公子錦韉鳴玉勒
內家珠箔控銀鈎
道旁亦有揚雄宅
寂寞芸窗冷似秋

揚雄宅

〔左思詩〕寂寂揚子宅門無卿相輿

元夕賜午門觀燈

金幼孜

鼇山高聳駕層空
萬燭燒春瑞氣融
星動銀河浮菡萏
天垂瓊島綻芙蓉
行行綵隊穿華月
曲曲鸞

笙度好風自是太平多樂事君王要與萬方同

鼇山

見二卷

菡萏

見十四卷 芙蕖注

鳳輦初臨鼓吹喧千官環侍紫宸邊九門燈火雲
霄上午夜山河錦繡前春散爐煙浮樹暖月移寶
仗映花妍從臣忝預傳柑宴既醉猶歌湛露篇

傳柑

蘇軾上元侍飲樓上詩注侍飲樓上則貴戚爭以黃柑遺近臣謂之傳柑聽攜以歸

蓋故事也

湛露

見九卷

元夕賜觀燈

陳敬宗

河漢沈沈霽景澄蓬萊然滿九華燈青猊白象三

千界綺閣雕闌十二層花繡芙蓉濃艷吐簾垂翡翠異香凝世人惟向雲中見遙望天門不可登

九華燈

杜甫詩雕章五色筆紫殿九華燈

元夕詠冰燈

唐順之

正憐火樹鬪春妍忽見清輝映夜闌出海蛟珠猶帶水滿堂羅袖欲生寒燭花不礙空中影暈氣疑從月裏看為語東風暫相借來宵還得盡餘歡

火樹

見二卷

蛟珠

吳都賦注蛟人從水中出曾寄寓人家從主人索噐泣而出珠

滿盤以

與主人

句

龍銜燭抱金門出鼇負山趨玉座來

曾鞏上元觀燈

蓬萊紫氣天中起玉井紅蓮地上看

梁潛元夜陪燕午門

明月只隨仙仗轉紅雲偏近御筵多

陳敬宗元夕觀燈

五夜歌鍾連甲第千門燈火映皇家

趙迪元夕應制

三月三日詔宴定昆池宮莊賦

得筵字

張說

鳳皇樓下對

一作帶

天泉鸚鵡洲中匝

一作雜

管絃舊

識平陽佳麗地今逢上巳盛明年舟將水動千尋

日幕共林橫兩岸煙不降
王人觀禊飲誰合醉舞
拂賓筵

定昆池

雍錄定昆池在長安西南十五里唐安樂公主傳嘗請昆明池為私沼不得乃

自鑿定

鳳凰樓

王僧儒詩羸女鳳凰樓漢姬

平

陽

漢衛皇后傳武帝祓霸上

禊

見二卷

和昭文相公上巳宴

歐陽修

一雨初消九陌塵
秉蘭修禊及芳辰
恩深始錫龍

池宴節正頒知鳳曆新

元注是歲始頒明天新曆二月三日丁巳

紅琥

珀傳杯歛灩碧琉璃瑩水齋
淪上林未放花齊發

留待鳴鞘出紫宸

秉蘭

見二卷摘蘭注

修禊

見二卷

鳴鞘

宋史儀衛志鳴鞘內侍二人執之鞭

鞘用紅絲而漬以蠟行幸則前驅而鳴之

三日赴宴口占

歐陽修

賜飲初逢禊節佳
昆池新漲碧無涯
九門寒食多遊騎
三月春陰正養花
共喜流觴修故事
自憐霜鬢惜年華
鳳城殘照歸鞍晚
禁籞無風柳自斜

流觴

王羲之三日蘭亭詩序清流激湍映帶左右引以為流觴曲水列坐其次詳見二卷

洛水金

人注

寒食內宴二首

張籍

朝光瑞氣滿宮樓綵燾魚龍四面稠廊下御厨分

冷食殿前飛騎逐香毬千官盡醉猶教坐百戲皆

呈未放休共起一作喜拜恩侵夜出金吾不敢問來

行一作由

寒食

初學記琴操曰晉文公與介子綏俱亡子綏割腕股以啖文公文公復國子綏獨無

所得作龍蛇之歌而隱文公文求之不肯出乃燔左右木子綏抱木而死文公哀之令人五月五

日不得舉火又周舉移書及魏武明罰令陸翽鄴中記並云寒食斷火起於子推琴操所云子

綏綏即推也又云五月五日與今有異皆因流俗所傳據左傳及史記並無介子推被焚之事

案周書司烜氏修火禁於國中注云為季春將
出火也今寒食准節氣是仲春之末清明是三
月之初然則禁火蓋周
冷食藝文類聚陸翽鄴
中記云并州俗冬

之舊制不因于推也
至後百五日為介子推斷火冷
毬荆楚歲時記
寒食作打毬

食三日作乾粥今之糗是也
鞦韆拖
百戲後漢安帝紀罷
魚龍曼延百戲
金吾見二
卷

城闕沈沈向曉寒恩當冷節賜餘歡瑞煙深處開

三殿香雨微時引百官寶樹樓前分繡幕綵花廊

下映朱闌宮筵戲樂年年別已得三回對御看

寒食假中作

宋祁

九門煙樹蔽春廬小雨初晴潑火前草色引開盤

馬地簫聲催暖賣錫天縈絲早絮輕無著弄袖和
風細可憐鼈署侍臣貪出沐珉糜珠餽愧頒宣

九門

見九關注

潑火

唐彦謙上巳詩微微潑火雨草草踏青人

賣錫

詩簫管備

舉箋簫編小竹管如今賣錫者所吹陸德明釋文錫夕清反密也又音唐方言云張皇反即乾糖也玉燭寶典寒食為大麥粥研杏仁為酪以錫沃之

寒食輦下

曹組

海棠時節又清明塵歛煙收雨乍晴幾處青帘沾
酒市一竿紅日賣花聲綵毬時向梭門過繡轂遙
隨輦路行日暮人人醉歸去熙熙春物見昇平

清明日登城春望寄大夫使君

王表

春城閑望愛晴天何處風光不眼前
寒食花開千樹雪清明日出萬家煙
興來促席唯同舍醉後狂歌盡
少年聞說鷺啼却惆悵詩成不見謝臨川

謝臨川

南史謝靈運傳
爲臨川內史

句

千聲鳳吹朱門裏一道花香穀雨前

蔡襄寒食
樂詞

杏酪漸香隣舍粥榆煙將變舊爐灰

崔魯春日
長安

寒食園林三月近落花風雨五更寒

張耒寒食

暮春上塘道中

范大成

客舍無煙野水寒
競船人醉鼓闌珊
石門楊柳清明市
洞口桃花上巳山
飛絮著人春共老
片雲將夢曉
俱還明朝遮入長安道
慙愧江湖釣手閑

京城春莫

薩都刺

三月京城飛柳花
燕姬白馬小紅車
旌旗日暖將軍府
絃管春深宰相家
小海銀魚吹白浪
層樓珠酒出紅霞
蹇驢破帽杜陵客
獻賦歸來日未斜

小海
卷見四

小遊
具
四

近光集卷十六 七言律

長洲汪士鋐 文升編纂

山陰劉紹曾 景武叅注

時令下

夏日入館

孔武仲

青驄曉轉綠槐陰
金碧重重魏闕深
洞裏天花長帶露
門前畏日自流金
雲臺朱檻鄰星斗
石室牙籤照古今
宦學從來難兩得
君恩優假是書林

魏闕 見七卷

畏日

左傳冬日可畏

流金

楚辭十日代出流金鑠石

雲臺

後漢賈逵傳肅宗詔逵入講北宮白虎觀南宮雲臺

石室

漢司馬遷傳遷為太

史令紬史記石室金匱之書

午日雪後行失八兒禿道中有懷同館諸

公

柳貫

尖峯猶是漠南山駝褐蕭蕭午日寒艾葉漫將頭
上插榴花應許夢中看馬前砂雪行初穩雕背荒
雲落更盤王事獨賢吾敢憚重煩同館勸加餐

艾葉

荆楚歲時記五月五日以艾為虎形或剪綵為小虎貼以艾葉內人爭相戴之

端午賜黃金艾葉銀書靈符物歲以為常

于慎行

芙蓉闕下玉書宣
午日恩頒侍從前
寶葉光分仙島月
靈符香綴御爐煙
歲時舊自荆人記
風俗曾經漢史傳
聞道宸遊臨太液
龍舟鳳管畫樓邊

芙蓉闕

儲光羲詩花滿芙蓉闕春深朝夕池王維詩芙蓉闕下會平官

荆人記

見艾

漢史

後漢應劭撰風俗通按五月五月著赤靈符於心以辟兵見抱朴子風俗

通止云以五綵絲繫臂辟兵及鬼無靈符事

太液

見一卷

競渡

盧肇

唐詩紀事盧肇與黃頗同縣頗富而肇貧同日遵路赴舉郡牧薦頗離亭肇駐

蹇以俟明年肇以第一名還袁因競渡
卽席賦詩云向道是龍剛不信果然奪

得錦
標歸

石溪久住思端午館驛樓前看發機鞞鼓動時雷
隱隱獸頭凌處雪微微衝波突出人齊喊躍浪爭
先鳥退飛向道是龍剛不信果然奪得錦標歸

競渡

荆楚歲時記五月五日競渡俗謂此日
屈原投汨羅人傷其死故以舟楫救之錦

標

按東京夢華錄諸船皆列五殿之東面軍校
執一竿上挂以錦綵銀盃之類謂之標竿插

在近殿水中兩行舟鳴鼓競進
捷者得標競渡奪標卽此意也

端陽寫懷

高啓

去歲端陽直禁闈新題帖子進彤扉大官供饌分
蒲醕中使傳宣賜葛衣黃繖回廊朝旭淡玉爐當
殿午熏微今朝寂莫江邊卧閒看遊船競渡歸

蒲醕

荆楚歲時記端午以菖蒲一寸九節者泛酒以辟瘟氣

葛衣

杜甫端午日賜

衣詩細葛含風軟

黃繖

見六卷

六月十七日召對自辰及申方歸本院

韓偓

清暑簾開散異香恩深咫尺對龍章花應洞裏常
時發日向壺中特地長坐久忽疑槎犯斗歸來兼

恐海生桑如今冷笑東方朔唯用談諧侍漢皇

槎犯斗

見三卷泛海注

海生桑

見七卷漢海桑注

談諧

漢東方朔傳贊

朔之談諧逢占射覆其事浮淺行於衆庶

和人與人分惠賜冰

楊巨源

天水藏來玉墮空先頒密署幾人同映盤皎潔非
關露當扇清涼不在風瑩質方從綸閣內凝輝更
向畫堂中麗詞珍貺難雙有迢遞金輿殿角東

綸閣

見一卷

句

幽花避日房房斂翠樹含風葉葉涼

張耒夏日

陂塘慢慢行秧馬門巷陰陰掛艾人

張耒夏日

天氣薰蒸疑作暑風光回轉欲畱春

程敏政四月五日

六月行人須早起一天涼露濕衣輕

徐致中六月歸途

新秋早朝

王璲

宮井梧桐一葉飛新涼先到侍臣衣蒼龍闕上銀

河轉丹鳳樓頭玉漏稀曉仗分行環御輦夕郎鳴

珮出仙闈自憐虎觀叨陪從簪筆慙無補萬機

梧桐

魏明帝詩雙梧桐生空井

蒼龍闕

見一卷

丹鳳樓

晉宮閣名洛陽

有鳳凰樓舊書明皇紀開

元九年九月御丹鳳樓

玉漏

見十卷

夕郎

見十卷

闡

虎觀

後漢章帝紀詔諸儒會講議五經同異

簪筆

見八卷持橐注

辛未七夕

李商隱

恐是仙家好別離故教迢遞作佳期
由來碧落銀河畔可要金風玉露時
清漏漸移相望久微雲未接過來遲
豈能無意酬烏鵲唯與蜘蛛乞巧絲

佳期

見三卷仙期注

碧落

見六卷

銀河

見一卷

金風玉露

李密

詩金風蕩初節

烏鵲

淮南子烏鵲填河成橋而渡織女

蜘蛛

見三卷

卷

池塘七夕

温庭筠

月出西南露氣秋綺寮河漢在鉞樓楊家繡作鴛
鴦幔張氏金爲翡翠鈎銀燭有光妨宿燕畫屏無
睡待牽牛萬家砧杵三篙水一夕橫塘是舊遊

綺寮

魏都賦皎日籠光於綺寮注交結綺紋而爲寮

鉞樓

見三卷

楊家張

氏

舊注云白氏六帖唐楊國忠張弘靖第宅服用甲於當時詩意以楊家張氏奢侈當時風

俗皆取德於宮中蓋譏之也

七夕

羅隱

絡角星河菡萏天一家歡笑設紅筵應傾謝女珠

璣篋盡寫檀郎錦繡篇香帳簇成排窈窕金針穿
罷拜嬋娟銅壺漏報天將曉惆悵佳期又一年

菡萏

見十四卷
芙渠注

謝女檀郎

李賀詩檀郎謝女眠
何處李商隱詩謝傅

門庭舊未行今
朝歌管屬檀郎

金針

見三卷
針樓注

嬋娟

阮籍詩秋
月復嬋娟銅

壺漏

見十五卷
刻漏注

八月十五夜聞崔大員外翰林獨直對酒

翫月因懷禁中清景偶題

白居易

秋月空懸高碧外仙郎靜翫禁闈間歲中唯有今
宵好海內無如此地閑皓色分明雙闕勝清光深

到九門關遙聞獨醉還惆悵不見金波照玉山

玉山

世說嵇叔夜之爲人也巖巖若孤松之獨立其醉也傀俄如玉山之將頽

中秋夜登樓望月寄人

戎昱

西樓見月似江城脉脉悠悠倚檻情萬里此時同
皎潔一年今日最分明初驚桂子從天落稍誤蘆
花帶雪平知稱玉人臨水見可憐光彩有餘情

桂子

見六卷桂月注

玉人

晉裴楷傳楷風神高邁容儀俊爽時人謂之玉人又衛玠

傳總角乘羊車入市見者皆以爲玉人

中秋翫月

唐彦謙

一夜高樓萬景奇
 碧天無際水無涯
 只畱皎月當層漢
 並送浮雲出四維
 霧靜不容玄豹隱
 冰生唯恐夏蟲疑
 坐來離思憂將曉
 爭得常娥仔細知

玄豹

見十五卷文豹注

夏蟲

莊子夏蟲不可以語冰者篤於時也孫綽遊天台山

賦晒夏蟲之疑冰

常娥

見一卷蟾影注

八月十五夜同衛諫議看月

秦韜玉

常時月好賴新晴
 不似年年此夜生
 初出海濤疑尚濕
 漸來雲路覺徧清
 寒光入水蛟龍起
 靜色當天鬼魅驚
 豈獨座中堪仰望
 孤高應到鳳凰城

中秋應制

趙颯

元遺山中州集注史舜元嘗從文儒學詩說道陵中秋賞月瑞光樓召文孺對御賦詩以清字為韻道陵讀至落句大加賞異手酌金鍾以賜且字之曰文孺以此鍾賜汝作酒直士林榮之

秋氣平分月正明
蕊珠宮闕對蓬瀛
已驅急雨消殘暑
不遣微雲點太清
簾外香風飄桂子
夜深涼露滴金莖
聖朝不奏霓裳曲
四海謳歌即樂聲

蕊珠宮

見六卷蕊宮注

蓬瀛

見二卷鼇山注

金莖

見一卷

霓裳曲

唐禮樂志河西節度楊敬宗獻霓裳羽衣曲十
二遍廣德初異錄葉法善常引上遊於月宮因

聆其天樂上自曉音律默記其
曲而歸傳之遂為霓裳羽衣曲

宗陽宮中秋對月

楊載

老君臺上涼如水坐看冰輪轉二更大地山河微
有影九天風露寂無聲蛟龍竝起扶金榜鸞鳳雙
飛載玉笙未信弱流三萬里此身今日到蓬瀛

冰輪

蘇軾詩夜半老僧呼客起雲峰缺處湧冰輪

大地

溫子昇韓陵山寺碑高天

銷於猛炭大地淪於積水

山河影

春渚紀聞王荆公言月中彷彿有物乃山河影也東

坡詩正如大圓鏡寫此山河影

九天

呂氏春秋天有九野中央曰鈞天東方曰蒼天東北

日變天北方曰玄天西北曰幽天西方曰皓天西南曰朱天南方曰炎天東南曰陽天

弱

山流

十洲記鳳麟洲在西海之中央洲四面有弱水繞之鴻毛不浮不可越也

中秋玩月崇真萬壽宮

張翥

西風吹月出雲端
松栢流光繞石壇
上國山河天
廣大仙家樓觀夜
高寒似聞玉杵鳴
玄兔疑有笙
笙下翠鸞只把酒
盃供醉賞不知零
露滿金盤

玉杵

傅咸擬天問月中何有玉兔搗藥

瑤笙

列仙傳王子喬者周靈王太子也好

吹笙作鳳凰鳴遊伊洛之間道人浮丘公接以上嵩山

九日登高

李頎

青山遠近帶皇州
霽景重陽上北樓
雨歇庭臯仙

菊潤霜飛天苑御梨秋茱萸插鬢花宜賞翡翠橫
釵舞作愁謾說陶潛籬下醉何嘗得見此風流

茱萸

風土記九月九日折茱萸房以插頭言辟除惡氣而禦初寒

陶潛

續晉陽秋

陶潛嘗九月九日無酒宅邊東籬下菊叢中摘花盈把坐其側未幾望見白衣人至乃王弘送酒也卽便就酌醉而後歸

九日衛使君筵上作

武瓘

佳晨登賞喜還鄉謝宇開筵佳興長滿眼黃花初
泛酒隔煙紅樹欲迎霜千家門戶笙歌發十里江
山白鳥翔共賀安人豐樂歲幸陪珠履侍銀章

珠履

見七卷

奉陪裴相公重陽日遊安樂池亭

李郢

絳霄輕靄翊三台
嵇阮情懷管樂才
蓮沼昔為王儉府
菊籬今作孟嘉杯
寧知北闕元勳在
却引東山舊客來
自笑吐茵還酩酊
日斜空從絳衣迴

三台

見一卷上台注

王儉

南史庾杲之傳為王儉長史蕭緬與儉書曰庾景行泛綠

水依芙蓉何其麗也

孟嘉

晉孟嘉傳為桓溫參軍九月九日溫宴龍

山寮佐畢集有風至吹嘉帽墮落嘉不之覺

山東

晉謝安傳雖受朝寄然東山之志終

始不
渝

九日陪諸閣老食賜糕次謝授經韻

高啓

叨陪講席接詞曹
曉禁霜花點素袍
院貯圖書西掖靜
雲連宮殿北山高
故園莫憶黃花酒
內府初嘗赤棗糕
最愛鳳毛今復見
便令池上一揮毫

棗糕

初學記西京雜記曰漢武帝宮人賈佩蘭九月九日佩茱萸食餌飲菊花酒云令人

長壽周禮籩人職曰羞籩之實糗餌粉餈於室注曰糗餌者豆末屑米而蒸之以棗豆之味今餌餽也方言餌謂之糕或謂之餈

鳳毛

南史謝超宗傳鳳子超宗選補新安王子鸞閣

常侍王母殷淑妃卒超宗作誄奏之帝大嗟賞
謂謝莊曰超宗殊有鳳毛杜甫詩欲知世掌絳
綸美池上於
今有鳳毛

東湖冬景

楊載

雲氣低藏十萬家東湖飛雪又交加玉禾舊布仙
山種瓊樹新開帝所花別浦移舟聞過雁高樓凭
檻見歸鴉侯門似有相如客賸賦篇章與世誇

玉禾

鮑照詩誠不及青
鳥遠食玉山禾

瓊樹

謝惠連雪賦庭列
瑤階林挺瓊樹

小至

杜甫

天時人事日相催冬至陽生春又來刺繡五紋添

弱線吹葭六琯動飛灰岸容待臘將舒柳天意衝
寒欲放梅雲物不殊鄉國異教兒且覆掌中杯

小至

錢箋唐會要開元八年中書門下奏開元
新格冬至日祀圓丘遂用小冬日視朝按

小冬日即小至也邵寶曰小至
謂至前一日如小寒食之類

刺繡

史記貨殖
傳刺繡紋

不如倚市門歲時記晉魏間宮中以
紅線量日影冬至後日添長一線

吹葭

見三
卷律

注雲物

左傳凡分至啓
閉必書雲物

前歲冬至與胡邦衡小語端誠殿下道直

下舊事今年邦衡舉易緯六日七分之說

輒用子美五更三點為對後數日得劉文

潛運使書記去年館中團拜人今作八處

感歎成詩

周必大

青城小語慶新陽共向紅雲拜玉皇六日七分驚
歲月五更三點憶班行屬車誰從黃麾仗釣艇還
飛白羽觴猶憶去年三館客十人八處更相望

紅雲

見十五卷玉皇注

六日七分

後漢郎顛傳善風角星算六日七分注易

稽覽圖日甲子卦氣起中孚六日八十分日之
七鄭注云六以候也八十分為一日之七者一
卦六十
五更三點杜甫至日遣興詩去歲茲辰
七分也捧御床五更三點入駕行

屬車

見四卷

羽觴

見二卷

冬至日天慶觀朝拜雲日晴麗遙想郊禋

慶成作歡喜口號

范成大

浙浙霜風不滿旗紫煙黃氣捧朝曦五更貫索埋
光後萬里鉤陳放仗時畱滯周南無舊事布宣漢
德有新詩豐年四海皆溫飽願把歡心壽玉卮

貫索

晉天文志貫索九星皆明天下獄
煩七星見小赦五星六星大赦

鉤陳

見一

卷
畱滯周南

史記太史公自序是歲天子始建
漢家之封而太史公畱滯周南不

得與從事注古之

布宣漢德

漢王褒傳益州刺
史王襄聞王褒有

俊才使褒作中和樂職宣布詩如淳曰言王政
中和在官者樂其職國語所謂宣布哲人之令

德也

臘日

杜甫

臘月常年暖尚遙今年臘日凍全消
侵陵雪色還萱草漏洩春光有柳條
縱酒欲謀良夜醉還家初散紫宸朝
口脂面藥隨恩澤翠管銀鬕下九霄

紫宸

見十卷入閣注

口脂

景龍文館記三年臘日帝於苑中召近臣賜臘晚自北門

入於內殿賜食加口脂膾脂盛以碧縷牙簞太平御覽盧公家範臘日上澡豆及頭膏面脂口脂

除夜有懷

孟浩然

五更鍾鼓欲相催
四氣推遷往復迴
帳裏殘燈纔有焰
爐中香氣盡成灰
漸看春逼芙蓉枕
頓覺寒銷竹葉盃
守歲家家應不卧
相思那得夢魂來

竹葉盃

張衡七辯玄酒白醴蒲萄竹葉庾信詩三盃竹葉酒一曲鷓鴣絃

句

四野便應枯草綠
九重先覺凍雲開

韓偓冬至夜作

山家嘗稻知良月
野徑尋梅見小春

曾茶山十月一日

彈絃奏節梅風入
對局探鉤柏酒傳

杜審言守歲待宴

地理上

西山贊一
晉羅廷壽於高臺馬祖常

鳳城西去玉泉頭楊柳堤長馬上遊六月薰風吹
別殿半天飛雨灑重樓山浮樹蓋連雲動露滴荷
盤並水流艤岸龍舟能北望翠華來日正清秋

西山

見四卷

翠華

見六卷

西山道中

劉大夏

曉來聯騎踏晴沙風景蒼蒼一望賒幾處白雲前
代寺數村流水野人家鶯啼別墅春猶在馬到西
山日未斜回首不知歸路遠九重宮殿隔煙霞

龍門

馬祖常

萬壑奔流一峽開
君王歲歲御龍來
人間塵土常相隔
天上星辰到此迴
草木四時承午日
風雲半夜束春雷
自慚曾奏長楊賦
跋馬徬徨念暴鯁

龍門

見九卷龍門山注

長楊賦

見九卷承明召注

暴鯁

見九卷變化注

奉和聖製早登三鄉山

張九齡

羽衛森森西向秦
山川歷歷在清晨
晴雲稍卷寒巖樹
宿雨能銷御路塵
聖德由來合天道
靈符卽此應
時巡遺賢一一皆
羈致猶欲高深訪
隱淪

登泰山

張養浩

風雲一舉到天關快意平生有此觀萬古齊州煙
九點五更滄海日三竿向來井處方知隘今後巢
居亦覺寬笑拍洪崖詠新作滿空笙鶴下高寒

泰山

明一統志泰山在山東泰安州北五里

天關

天官星占北辰一名天關李白

太白山詩太白與

齊州

列子殷湯問於夏革曰四海之外奚有革曰猶

我語爲我開天關

齊州

齊天文志日出

九點煙一泓海水盃中瀉

三竿

三竿謂朱黃赤

送暈也泰山記東南巘名日觀

洪崖

郭璞遊仙詩左把浮

雞一鳴時見日始欲出長三丈

鍾山

楊維楨

鍾山突兀楚天

一作江

西玉柱曾經御筆題日照金

陵龍虎踞

一作雲擁金陵龍虎障

月明珠樹鳳凰棲氣吞江

海三山小勢壓乾坤五嶽低百世昇平人樂業萬

年帝壽與天齊

一作華祝聲中人仰社萬年帝業與天帝

鍾山

明一統志在江南應天府東北山周迴六十里

金陵

輿地志鍾山古曰金陵山

縣名
因此龍虎踞

輿地志諸葛亮謂吳大帝曰金陵地形鍾阜龍蟠石城虎踞真帝王

都珠樹

淮南子崑崙有珠樹玉樹

登金山

元文宗

巍巍塊石數株松盡日遊觀有客從自是擎天真
柱石不同平地小山峯東連舟楫西津渡南望樓
臺北固鍾我欲倚闌吹鐵笛恐驚潭底久潛龍

金山

方輿勝覽金山在江
中去鎮江府城七里

北固

見四
卷

望九華山

柴夔

九華如劍插雲霓青靄連空望欲迷北截吳門疑
地盡南連楚界覺天低龍池水蘸中秋月石路人
攀上漢梯惆悵舊遊無復到會須登此出塵泥

九華山

李白九華山聯句詩序青陽縣南有九
子山高數千丈上有九峯如蓮花按圖

徵名無所依據余乃削其舊號加以九華之目
劉禹錫九華山詩序九華山在池州青陽縣

九華山

一有題字

石墨

一作潭

驛

薩都刺

馬上行人思

一作看

九華飄飄高興滿

一作旆倚

天涯排

空峭石生玄筍落日奇峯掛赤霞仙掌九秋傾

一作

^擊露屑天河半夜礙星槎雲中五老應招手呼我

一作喚客來遊太乙家

玄筍

華陽國志蜀有五丁力士能移山舉萬鈞每王薨輒立大石長三丈重千鈞為墓誌

今石筍是也號曰筍里未有謚列但以五色為主

赤霞

會稽記赤城山色皆赤狀如雲

霞仙掌

名山記錢時並山潭記曰兩岬對峙多怪石其掣然作手形者曰仙人掌

屑

借承露盤事見一卷金莖及積屑注

星槎

見三卷泛海注

五老

見三卷按

廬山記棲賢寺東北有五老峯亦借用語

遊虎丘

王禹偁

蘇牆圍著碧孱顏曾是當年海湧山
盡把好峯藏寺裏不教幽境落人間
劍池草色經冬在石座苔花自古斑
珍重晉朝吾祖宅一迴來此便忘還

虎丘

見十三卷武丘注

海湧山

方輿勝覽虎丘山又名海湧山

劍池

吳都

文粹劍池吳王闔廬葬其下以扁諸魚腸等劍各三千殉焉故以劍名方輿勝覽劍池在虎丘寺始皇試劍於此乃石鑄深數十丈濶丈餘水無底
石座 方輿勝覽生公講堂在虎丘寺

生公梁僧竺道生也講經於此無人信者乃聚石為徒與講至理石皆點頭 吾祖宅

方輿勝覽虎丘寺晉司徒王珣及弟珉捨宅為寺

經麻姑山

劉滄

麻姑此地鍊神丹寂寞煙霞古竈殘一自仙娥歸
碧落幾年春雨洗紅蘭帆飛震澤秋江遠雨過陵
陽晚樹寒山頂白雲千萬片時聞鸞鶴下仙壇

麻姑山

明一統志麻姑山在寧國府城東三十七里昔麻姑修道於此 紅蘭 江淹

別賦見紅 震澤 書傳震澤吳南太湖也 明一統志五湖在寧國縣北四里源出

蘭之受露 千秋 陵陽山 明一統志 嶺北 在寧國府城內

送孫百篇遊天台

方干

東南去路落斜行入樹穿村見赤城遠近常時皆
藥氣高低無處不泉聲映巘月向牀頭沒濕燭雲
從柱底生更有仙花與靈草恐君多半未知名

天台山

十道山川考天台山在台州天台縣北
十里高萬八千丈周旋八百里其山八

重四面如一赤城山在縣
北六里天台之南門也

送人遊天台

鄧文原

此去蘭亭修禊後平明驅馬試征衣海邊山盡天
無盡花底春歸人未歸一雨潮生魚入市千巘月

上鶴投扉舊遊二十年前路孤負東風賦采薇

修禊

見二卷

采薇

詩序天子命將率遣戍衛以守御中國故歌采薇以遣之

宿九仙山

蘇軾

風流王謝古仙真一去空山五百春
玉室金堂餘漢士桃花流水失秦人
困眠一榻香凝帳夢遶千巘冷逼身
夜半老僧呼客起雲峯缺處湧冰輪

九仙山

公自注謂左元放許邁王謝之流

玉室金堂

晉許邁傳遺義之書

云自山陰南至臨安多有金堂玉室仙人
芝草左元放之徒漢末諸得道者皆在焉

桃花

流水

見九卷武陵花注

遊補陀

趙孟頫

縹緲雲飛海上山
挂帆三日上潺湲
兩宮福德齊
千佛一道恩光照
百蠻澗草巘花多
瑞氣石林水
府隔塵寰鰕生小
技真榮遇何幸
凡身到此間

補陀

明一統志補陀在寧波府定海縣東
北海中佛書所謂海岸孤絕處也

賦西塞山送趙季文湖州學錄

張雨

往來茗雪舊山川
流水桃花思杳然
溪女浣紗春
雨後仙人把釣夕
陽邊漁歌未用朝
廷覓惠政先

繇隱逸傳不信青衫浣塵土水晶宮裏住三千

西塞山 明一統志西塞山在湖州府城西二十五里 茗雪 明一統志茗溪在府

治西雪溪 流水桃花 張志和漁父詞西塞山前白鷺飛桃花流水鱖魚肥

水晶宮 見十五卷

題觀海圖 黃潛

昔年解纜岑江上初日團團水底紅
鼉吼忽搖千尺浪鷁飛仍挾半帆
風遙看島嶼如星散祗謂神仙有路通
及此棲身萬人海舊游却在畫圖中

萬人海 抱朴子許下者人物之海也蘇軾詩萬人如海一身藏

江樓夕望招客

白居易

海天東望夕茫茫山勢川形濶復長
燈火萬家城四畔星河一道水中央
風吹古木晴天雨月照平沙
夏夜霜能就江樓銷暑否比君茅舍校清涼

江樓晚眺景物鮮奇吟翫成篇寄水部張

籍員外

白居易

澹煙疎雨間斜陽江色鮮明海氣涼
蜃散雲收破樓閣虹殘水照斷橋梁
風翻白浪花千片鴈破晴天字一行
好著丹青圖畫取題詩寄與水曹郎

蜃樓 見一卷 虹橋 見四卷

車駕渡江

曾棨

朱旗畫戟擁晴沙
錦纜牙樯照浪花
佳氣迴浮江北樹
曉光初絢海東霞
雲中鸞鳳扶丹轂
水底魚龍識翠華
不用臨流羨天塹
只今四海盡為家

錦纜牙樯 杜甫詩珠簾繡柱圍黃鵠錦纜牙樯起白鷗 天塹 南史孔範傳隋

師將濟江群官請為備防範奏曰長江天塹古來限隔南北虜軍豈能飛渡

潮

羅隱

怒聲洶洶勢悠悠
羅刹江邊地欲浮
謾道往來存

大信也知翻覆向平流狂拋巨浸疑傾底猛過西陵似有頭至竟朝昏誰主掌好騎赤鯉問陽侯

羅刹江

西湖志錢塘地勢險惡謂之羅刹江以羅刹石而名也

信

高麗圖經潮往

來應期不爽為天地之至信

西陵

吳越備史梁開平四年武肅王錢氏築捍海塘在候

潮通江門之外潮水晝夜衝激版築不就因命強弩數百以射潮頭又致禱於胥山祠既而潮

水避錢塘東擊西陵遂成堤岸方輿勝覽西興渡在紹興府蕭山縣西十二里本名西興錢武

肅王以非吉語改西陵

朝昏

漢枚乘傳潮有朝夕之期說文朝日朝夕曰汝

赤鯉

列仙傳琴高入涿水中取龍子與諸弟子期日皆潔齋待於水傍設祠果乘赤鯉來

陽侯

淮南子注陽國侯溺死於水其神能為大波

太湖恬亭

王安石

檻臨溪上綠陰圍
溪岸高低入翠微
日落斷橋人獨立
水涵幽樹鳥相依
清遊始覺心無累
靜處誰知世有機
更待夜深同徙倚
秋風斜日釣船歸

春題湖上

白居易

湖上春來似畫圖
亂峯圍繞水平鋪
松排山面千重翠
月點波心一顆珠
碧毯綠頭抽早稻
青羅裙帶展新蒲
未能拋得杭州去
一半勾畱是此湖

西湖

方輿勝覽西湖周廻三十里其間出諸澗泉山川秀發四時畫舫遨遊歌鼓之聲不

絕明一統志西湖在杭州府城西其源出於武林泉

西湖畱別

白居易

征途行色慘風煙
祖帳離聲咽管絃
翠黛不須畱五馬
皇恩只許住三年
綠藤陰下鋪歌席
紅藕花中泊妓船
處處回頭盡堪戀
就中難別是湖邊

祖帳

漢疏廣傳公卿大夫故人邑子設祖道供帳東都門外

五馬

見十三卷

伏承侍郎使君垂示所與少傅國公唱酬

西湖佳句謹次高韻聊發一笑

朱子

越王城下水融融此樂從今與衆同
滿眼芰荷方永日轉頭禾黍便西風
湖光盡處天容濶潮信來時海氣通
酬唱不誇風物好一心憂國願年豐

太液晴波

曾棨

靈沼溶溶淑氣回玉泉初暖碧如苔
風迴鼇背山光動日照龍鱗鏡影開
飛鳥慣隨仙仗過游魚偏識翠華來
願傾池水成春酒添進南山萬壽杯

太液

見一卷

鼇背

見二卷
鼇山注

和太常韋主簿五郎溫湯寓目之作

王維

漢王離宮接露臺秦川一半夕陽開青山盡是朱
旗繞碧澗翻從玉殿來新豐樹裏行人度小苑城
邊獵騎迴聞道甘泉能獻賦懸知獨有子雲才

溫湯

見一卷

露臺

漢文帝紀帝嘗欲作露臺注師古曰今新豐縣南驪山之頂有

露臺鄉極為高顯猶有

新豐

見五卷

小苑

漢蕭望之傳注

文帝欲作露臺之處

甘泉賦

見九卷承明召注

秋日陪吳興諸府公宴魯公池上

張翥

芙蓉池上會群公滿意華筵笑語中虹影連蜷山
外雨荷香澹蕩晚來風歌催銀甲箏逾急涼入金
尊露易空我亦玉堂揮翰手題詩合在水精宮

銀甲

杜甫詩銀甲彈箏用

玉堂

見十五卷

憶山泉

吳融

穿雲落石細湔湔杳杳疑聞弄管絃千仞灑來寒
碎玉一泓深處碧涵天煙迷葉亂難尋見月好風
清聽不眠春雨正多歸未得只應流恨更潺湲

句

天開雲霧東西碧日射波濤上下紅

楊萬里過楊子江

千里晚霞雲夢北一洲霜橘洞庭南

張佖秋晚過洞庭

笠澤鱸肥人膾玉洞庭柑熟客分金

蘇子美太湖

半嶺煙霞紅旆入滿湖風月畫船歸

陳述古和子鑒憶西

湖


半蘇熱到蘇林八漸斷風只盡讀

於我熱到八無王師致討煇等衣念

千軍並帶雲意北一既露附請致前

天開雲霧東西曹日恨我高士不珠

謝千五
謝萬里



近光集卷十七 七言律

長洲汪士鋐 文升編纂

蕪湖宋真儒 舊山叅注

地理下

上京秋日三首

張翥

山前孤戍水邊營
落日無人已斷行
甌脫數家門
早閉轡韞千帳火
宵明白摧野草狼
同色秋入榆
關鴈有聲最是不
禁橫笛怨海天
秋月不勝情

上京

見四卷

甌脫

史記匈奴傳東胡與匈奴間中有弃地莫居千餘里各居其邊

為甌脫注境

輶

長楊賦碎輶輶破穹廬注應劭曰輶輶匈奴車也服虔曰

輶輶百二十步

狼國語穆王伐犬戎得鴈見四

兵車或可寢處四白狼四白鹿以歸鴈卷鴈

塞

水遶雲迴萬里川鳥飛不下草連天歌殘勅勒風

生帳獵罷關氏雪沒鞮紅頰女兒花作隊紫髯都

護酒如泉時巡歲歲還京樂別換新聲被管絃

勅勒

樂府廣題北齊神武使斛律金歌關氏史

索隱注關氏

匈奴皇后號

遠山平野浩茫茫曾是當年古戰場飲馬水乾沙

窟白射雕塵起積雲黃中郎節在仍歸漢校尉城
空罷護羌今日車書逢混一不辭垂老看羶鄉

飲馬

古詩有飲馬長城窟行

射雕

見四卷

中郎

蘇武以中郎將使持節使

匈奴單于欲降之不屈乃徙武北海無人處使牧羝杖漢節牧羊卧起操持節旄盡落畱匈奴凡十九歲始以強壯出及還鬚髮盡白見漢書本傳
護羌後漢百官志
人比二
羶鄉鮑照瓜步山碣文北
千石
眺羶鄉南矚炎國

灤京雜詠

見皇元風雅

張天師

鳳閣朝陽

開國行都重朔城大安高閣煥鴻名中天旭霽昭

黃道萬象春熙拱帝京瑞露氣浮仙掌動文星光

挹泰階平朝元羽佩輝蟬冕長振琳琅侍玉清

灤京

即上都因灤河而名上都見四卷

大安閣

揚允孚灤京雜詠注大安閣上

京大內也

仙掌

見一卷金莖注

泰階

見十卷三階注

蟬冕

見二卷金貂注

玉

清

見三卷三清注

龍岡晴雪

陰山積雪亘春秋霽景玲瓏燦十州玉展畫屏當

黼辰翠凝香霧繞龍樓吟懷暖動鼠鬚筆酒力寒

輕狐白裘清暑年年動游幸冰壺六月坐垂旒

龍岡

即龍門峽見四卷

陰山

見十卷

黼辰

見一卷

龍樓

見二卷

鼠鬚筆

筆經世傳張芝鍾繇用鼠鬚筆筆鋒勁強有芒

狐白裘

見一卷

勅勒西風

勅勒連營意氣豪西風沙漠靜驚濤皂雕背影翻

金鎗赤驥騰空頓紫縑入夜胡歌諧箏篋早時新

酒壓蒲萄旃廬處處人長樂萬里雲屯雪自高

勅勒

唐回紇傳回紇其先匈奴也元魏時亦號高車部或曰勅勒古樂府勅勒川陰山下

箏篋

通典箏篋出於胡中其聲悲胡人吹角以驚馬後乃以笳為首竹為管

蒲萄

見四

卷

烏桓夕照

烏桓列部拱提封落照千山返映紅
 遠樹參差連塞北斷霞明滅際
 遼東牛羊下夕群屯霧鴈隼橫
 秋勢掠風亦有隱淪懷濟世何時歸
 獵載非熊

烏桓

後漢烏桓傳烏桓自為冒頓所破常臣服匈奴及武帝遣驃騎將軍霍去病擊破匈奴

左地因徙烏桓於上谷漁陽右北平遼東五郡塞外

提封

見入 隱淪 見

卷

非熊

見七

灤江曉月

灤江曉月漾玻瓈皓景沉沉碧海西
 監牧平沙時

洗馬趣朝青瑣政聞雞鍾聲破霧騰珠刹橋影垂
虹枕玉溪夙德詞臣勞扈從恩承紫誥又春泥

灤江

即灤河見九卷

監牧

唐兵志監牧所以蕃馬也其官領以太僕

青瑣

見十

卷瑣闡注

松林夜雨

百萬蒼虬幾雪霜夜深和雨激滄浪秦官賜爵凌
東岱漢殿搜才負栢梁劍戟森巖堅歲暮珮環鏘
奏際時良千年琥珀應流地服餌身輕入帝鄉

秦官

見六卷大夫松注

栢梁

漢武帝紀元鼎六年春起栢梁注三輔舊事云以香

栢為琥珀見十卷

天山秋獵

駕幸天山校獵場夜嚴精騎裹糒糧鷹韝脫臂高
橫塞雉箭穿雲急解囊豈但薦毛供俎豆要知閱
武固金湯斂圍賜宴千軍醉駝背纍纍總兔羊

天山

漢武帝紀注晉灼曰在西城近蒲類國師古曰即祁連山也匈奴謂天為祁連

校

獵

見六卷

鷹韝

見四卷

俎豆

見四卷乾豆注

金湯

漢蒯通傳邊城之地

必將嬰城固守皆為金城湯池不可攻也後漢光武紀贊金湯失險車書共道

陵臺晚眺

李陵行處莽平原
祇見荒臺思愴然
野日斷鴻空
送晚塞雲歸鶴
不知年千重
牙帳開周後
萬里長
城啓漢前
雅調早傳來
魏闕賡歌尙擬頌堯天

陵臺

見九卷
荒臺注

牙帳

杜甫詩聞道君牙
帳防秋近赤霄

萬里城

見十

二卷
魏闕 見七卷

次韻進士宋顯夫海岼春行 馬祖常

靈沼春波殿影高
行人苑外望蟠桃
街塵曙雨沈
紅霧宮瓦晴霏動
翠濤鳥度鏡中還
避彈魚跳船
尾不因篙曲江別
有新承宴笑我官曹似馬曹

海岍

見六卷海子橋注

曲江宴

玉海唐時禮部放榜後釀飲曲江號聞喜宴

馬曹

晉王徽之傳為桓冲騎兵參軍冲問鄉署何曹曰似是馬曹

過蘆溝橋

陳孚

去天尺五禁城西華表亭亭柳拂堤海上飛來雙

蟬竦雲間擁出萬俊猊太行山色浮鯨浪上國秋

聲送馬蹄誰識太微天極象迢迢河漢玉繩低

蘆溝橋

元方輿勝覽蘆溝石橋在宛平南二里大定十七年建廣二百步

尺

五

辛氏三秦記城南韋杜去天尺五東坡詩施宿注韋曲杜鄠近長安諺曰城南韋杜去天

尺蟬竦

爾雅蟬竦謂之雩注俗呼美人虹詳見四卷彩虹注

俊猊

爾雅俊猊如虢

注卽師子也元方輿勝覽廬溝石橋於石闌干上刻獅子極巧且多

海子上卽事

李材

馳道塵香散玉珂
彤樓花暗弄雲和
光風已轉瀛洲草
細雨微添太液波
月榭管絃催曙發
水亭簾幙受寒多
少年易動傷春感
喚取青霞對酒歌

海子

見六卷

馳道

見一卷

珂

見一卷

雲和

見十卷

光風

楚辭

光風轉蕙泛崇蘭

瀛洲

見二卷 龍山注

太液

見一卷

海子橋

曾棨

鯨海遙通一水長
滄波深處石爲梁
平鋪碧甃連

馳道倒瀉銀河入苑牆
晴綠乍添垂柳色
春流時泛落花香
微茫迴隔蓬萊島
不放飛塵入建章

建章

見一卷

居庸關

王英

千峰高處起層城
空裏峒巖積翠明
雲靜芙蓉開霽色
天清鼓角散秋聲
北連紫塞烽煙斷
南接金臺驛路平
此地由來稱設險
萬年形勢壯神京

積翠

明一統志居庸關兩山對峙一水旁流關跨南北四十里懸崖峭壁最為要險關之

南重巒疊嶂吞奇吐秀蒼翠可愛為京師八景之一名曰居庸疊翠

芙蓉

見十卷

金

臺

鮑照詩豈伊白壁賜將起黃金臺李善注圖經曰黃金臺在易水東南十八里燕昭王置

千金臺上以

延天下士

居庸關

釋梵琦

天畔浮雲雲外峰北遊奇險見居庸力排劍戟三千士門掩山河百二重渠荅自今收戰馬兜鈴無復置邊烽上都避暑頻來往魚鳥猶能識袞龍

百二

漢高帝紀帶河阻山縣隔千里持戟百萬秦得百二焉注蘇林曰秦地險固二萬人

足當諸侯百萬人也

渠荅

漢晁錯傳注渠荅鐵蒺藜也

玉泉道中

李東陽

日照山山紫翠生
 雨餘秋色更分明
 蜃樓出霧東浮海
 雉堞連雲北繞城
 舊識郵亭猶問路
 漸多僧寺不知名
 十年幾度登臨約
 未盡平生吏隱情

玉泉

元方輿勝覽玉泉山在宛平西北三十里
 明一統志山頂有金行宮芙蓉殿故址

蜃樓

見一
 周禮注雉長三丈高一丈左傳注堞女牆也

吏隱

宋

問詩宦遊非吏
 隱心事好幽偏

雲州道中數聞異香

虞集

雲州樓觀翠茗堯
 載道飛香遠見招
 非有芝蘭從地出
 畧無煙霧只風飄
 玉皇案側當霄立
 王母池

邊向日朝却袖餘薰散人世九天清露海塵遙

雲州

元方輿勝覽雲州漢雲中郡隋開皇三年置榆關總管五年改雲州總管唐置雲中

都護府後升振武軍節度

玉皇案

元稹詩我是玉皇香案吏謫居猶得住蓬萊

王

母池

見一卷穆酒注

九天

見十卷六卷

蓋少府新除江南尉問風俗 郎士元

聞君作尉向江潭吳越風煙到自諳客路尋常隨

竹影人家大底傍山嵐緣溪花木偏宜遠避地衣

冠盡向南唯有夜猿啼海樹思鄉望國意難堪

避地衣冠

晉王導傳洛京傾覆中州士民避亂江左者十六七導勸帝收其賢人君

子與之圖事後漢羊陟傳家世衣冠族

金陵懷古

劉禹錫

王濬樓船下益州金陵王氣黯然收千尋鐵鎖沉
江底一片降幡出石頭人世幾回傷往事山形依
舊枕寒流今逢四海為家日故壘蕭蕭蘆荻秋

金陵

唐江南道昇州上元縣武德八年更曰金陵見唐志方輿勝覽戰國屬越後屬楚初

置金樓船

晉王濬傳拜益州刺史武帝謀伐吳詔濬修舟艦濬乃作大船連舫方百

二十步受二千餘人以木為城起樓櫓開四出門其上皆得馳馬來往舟棹之盛自古未有

王氣

方輿勝覽金陵楚威王以其地有王氣埋金鎮之故曰金陵

鐵鎖

晉王濬傳

吳人於江險要害之處並以鐵鎖橫截之濬作
火炬長十餘丈大數十圍灌以麻油在船前遇
鎖燃炬燒之須臾融液
斷絕於是船無所礙
降幡晉王濬傳濬入於石頭皓乃備亡國
之禮造
於壘門

送友之金陵

薩都刺

江城曉

一作積

雨開新霽行李蕭蕭去遠垆千古風

流

一作光

鬢毛

一作邊

白六朝山色馬頭青秦淮月出

潮初上蕭寺鍾鳴

一作聲

酒半醒莫唱當時後庭曲

殿臺芳

一作衰

草夜

一作自

飛螢

秦淮

方輿勝覽秦淮在上元縣南三里始皇時望氣者言金陵有天子氣使朱衣鑿山爲

瀆以斷地脉晉陽秋秦開故曰秦杜陽雜蕭寺編梁武

淮或云淮水發源屈曲不類人工帝好佛造浮屠命蕭子雲飛白大書曰蕭寺南

史任孝恭傳少從蕭寺雲法師讀經論明佛理

後庭曲

唐禮樂志玉樹後庭花陳後主作也

潤州

杜牧

謝朓詩中佳麗地夫差傳裏水犀軍城高鐵甕橫
强弩柳暗朱樓多夢雲畫角愛飄江北去釣歌長
向月中聞揚州塵土試回首不惜千金借與君

潤州

唐志潤州丹陽郡武德三年以江都郡之延陵縣地置取潤浦為州名

佳麗

地

謝朓詩江南佳麗地金陵帝王州

水犀軍

國語夫差衣水犀之甲者三千人

還京口

薩都刺

黃鶴山頭雪未消
行人歸計在今朝
城高鐵甕江山壯
地接金陵草木彫
北府市樓開舊酒
南朝官柳識歸橈
吏人莫見參軍面
水宿風餐鬢髮焦

京口

見四卷

黃鶴山

方輿勝覽黃鶴山在鎮江府城西南三里宋武帝潛龍時

息此山有黃鶴飛舞而名

官柳

晉陶侃傳侃嘗課諸營種柳都尉夏施盜官柳植之於已

門

蘇州江听畱別樂天

張籍

銀泥裙映錦障泥
畫舸停橈馬簇蹄
清管曲終鸚

鷓語紅旂影動薄寒嘶漸銷酒色朱顏淺欲話離情翠黛低莫忘使君吟詠處女墳湖北武丘西

錦障泥

見十卷

女墳湖

吳郡志女墳湖在吳縣西北昔吳王葬女處吳地記

吳王葬女取土成湖

武丘

方輿勝覽虎丘後避唐諱改虎為武見十六卷

赴蘇州訓別樂天

劉禹錫

吳郡魚書下紫宸長安厩吏送朱輪二南風化承遺愛八詠聲名躡後塵梁氏夫妻為寄客陸家兄第是州民江城春日追遊處共憶東郊舊主人

吳郡

唐蘇州吳郡屬江南道見唐志

魚書

書斷凡文書相約束皆曰契亦謂符刻木

剖而分之君執其左臣執其右昔之朱輪漢劉銅虎竹使今之銅魚並契之遺象也

王氏一姓乘朱輪詩周南音義南者言周華轂者三十三人二南詩周南音義南者言周之德化自岐陽而先被

南方故序云自北而南也周南召南譜注二南文王之詩而分繫二公故知當時賜之采邑也

八詠婺州圖經八詠樓在州南碑宋沈約文方輿勝覽八詠樓即沈隱侯元暢樓至道間

郡守馮仇更今名沈約有八詠詩按南史沈約傳出為東陽太守東陽即婺州今為金華府

梁氏夫妻梁鴻扶風平陵人與妻孟光易姓名至吳依皋伯通居廡下為人賃舂見

後漢逸陸家兄弟陸機吳人弟雲與機齊名時號二陸見晉書本傳

送程公闢得謝歸姑蘇 王安石

東歸行路歎賢哉碧落新除寵上才白傅林塘傳

畫去吳王花鳥入詩來唱酬自有微之在談笑應容逸少陪除此兩翁相見外不知三逕爲誰開

行路歎

疏廣與兄子受上疏乞骸骨歸道傍觀者皆曰賢哉二大夫或歎息爲之泣下

見漢書本傳詳見二卷疏傳注

碧落

見六卷

白傅林塘

方輿勝覽白居易作

虎丘

吳王花鳥

方輿勝覽靈巖山吳王之別苑在焉

三逕

見六卷

送客歸揚州

馬祖常

揚子江頭水拍天人家種柳住江邊吳娃蕩槳潮生浦楚客吹簫月滿船錦纜憶曾遊此地瓊花開不似當年竹西池館多紅藥日石題詩舞袖前

揚子江

明一統志揚子江在揚州儀真縣南經通泰二州入於海

錦纜

開河記揚

帝御龍舟幸江都舳舻相繼自大堤至淮口聯綿不絕錦帆過處香聞十里庾信詩錦纜回沙

磧蘭橈避荻洲

瓊花

方輿勝覽揚州蕃禧觀有瓊花擅天下無雙之名香如蓮花清馥可

愛唐詩紀事云揚州唐昌觀玉

藥花

杜牧詩誰

歌吹是

紅藥

東坡志林揚州芍藥為天下冠

杭州春望

白居易

望海樓明照曙霞護江堤白蹋晴沙濤聲夜入伍

員廟柳色春藏蘇小家紅袖織綾誇柿蒂

元注杭州出柿

蒂花者尤佳也青旗沽酒趁梨花

元注其俗釀酒趁梨花春誰

開湖寺西南路草綠裙腰一道斜

元注孤山寺路在湖州中草綠

時望如裙腰

杭州

見五卷

望海樓

明一統志望海樓在杭州府鳳凰山下

伍員廟

杭州有胥山祠見方輿勝覽

蘇小

吳地記嘉興縣前有晉妓蘇小小墓又見三卷

杭州

白居易

餘杭形勝世間無州傍青山縣枕湖遶郭荷花三

十里拂城松樹一千株夢兒亭古傳名謝教妓樓

新道姓蘇獨有使君年老大風流不稱白髭鬚

餘杭

見五卷

夢兒亭

輿地紀勝夢兒亭在錢塘縣類要謝靈運會稽人世不宜

子息乃於錢塘杜明師家寄養明師
是夜夢有賢人相訪及曉乃靈運至
教枝樓注

蘇小小本錢

唐妓人也

以州宅誇於樂天

元稹

州城迴繞拂雲堆鏡水稽山滿眼來
四面常時對屏障一家終日在樓臺
星河影向簷前落鼓角聲從地底迴
我是玉皇香案吏謫居猶得住蓬萊

州宅

方輿勝覽後枕臥龍面直秦望

鏡水

寰宇記鏡湖在會稽山陰兩縣界

稽

山

寰宇記會稽山在縣東南十里

蓬萊

方輿勝覽舊志云蓬萊山正屬會稽

重誇州宅旦暮景色兼酬前篇末句

樂天詩云

知君暗數江南郡
除却餘杭盡不如

元稹

仙都難畫亦難書
暫合登臨不合居
繞郭煙嵐新雨後
滿山樓閣上燈初
人聲曉動千門闕
湖色宵涵萬象虛
爲問西州羅剎石
濤頭衝突近何如

羅剎

輿地紀勝秦望山東南有大石橫接江濤
商船海舶多爲風浪所傾因呼爲羅剎石

送李錄事赴饒州

皇甫冉

北人南去雪紛紛
雁叫汀沙不可聞
積水長天隨遠客
荒城極浦足寒雲
山從建業千峰遠
江至尋陽九派分
借問督郵纔弱冠
府中年少不如君

饒州

唐饒州鄱陽郡屬

建業

江寧府三國吳為建業見方輿勝覽

尋陽

見十三卷九江注

督郵

通典督郵漢有之掌監屬縣為功曹之極位

萬安縣邂逅樓偏高明舊有公略張憲僉

和劉素庵一詩用題於左

聶古栢

五雲閣上北風寒十八灘頭疊亂山庾嶺一枝春

信早龍泉三尺土花斑蠻天瘴雨霜天曉畫戟清

香盡日閑倚遍闌干動高興一聲道唱水雲間

萬安縣

明一統志萬安縣在江西吉安府城南一百八十里

五雲閣

明一統志

五雲閣在萬安縣治西瞰贛江宋建水西有芙蓉峰因名

十八灘

名勝志水在萬安縣

者有十

八灘 庾嶺

見十五卷

龍泉

越絕書干將作劍三枚一日龍淵按

唐人避高祖諱俱作龍泉

畫戟

韋應物詩兵衛森畫戟燕寢凝清香

送臨川謝有源赴閩醫提領

柳貫

一路青山荔子叢華山西望粵臺東家風蘭玉庭

階上官事參苓藥籠中鷓首去乘潮浪白蠟房催

薦酒醅紅福州自是炎蒸少臘雪飛花落半空

閩

方輿勝覽福建路福州古閩越地

荔子

方輿勝覽福州土產荔枝韓愈柳州羅池

廟碑荔子

蘭玉

晉謝幼度傳幼度少為叔父安所器重安常曰子弟亦何與人

事而政欲使其佳答曰譬如芝蘭玉樹欲使其生於階庭耳

參苓

唐元行冲傳謂狄仁

傑曰下之事上譬如富家儲積脯腊膜腹以供
資膳參朮芝桂以防疾病門下克爲旨味者多
矣願以小人充一藥石可乎
仁傑曰君正吾藥籠中物

剖房取肉
故曰蠟房

蠟房泉南雜志牡蠟肉各爲房

祇命南海至廬陵逢表兄軍倅奉使淮海

別後却寄

許渾

盧橘花香拂釣磯佳人猶舞越羅衣三洲水淺魚
來少五嶺山高鴈到稀客路晚依紅樹宿鄉關晴
望白雲歸交親不念征南吏昨夜風帆去似飛

南海

唐廣州南海郡屬嶺南道見唐志

盧橘

見六卷

五嶺

見五卷

嶺南道中

李德裕

嶺水爭分路轉迷
枕椰椰葉暗蠻溪
愁衝毒霧逢蛇草
畏落沙蟲避燕泥
五月畚田收火米
三更津吏報潮雞
不堪腸斷思鄉處
紅槿花中越鳥啼

枕椰

後漢夜郎傳 牂牁郡句 呵縣有枕椰木可為麵

椰葉

異物志 椰樹似檳榔無枝

條高十餘尋 葉在其末

畚田火米

火米火耕之米 類篇 畚羊諸切 三歲治田也 又

詩車切 火種也 異物志 交趾稻夏熟農者一歲再種

潮雞

輿地志 移風縣有雞雄鳴長且

清如吹角 每潮至 則鳴故呼為潮雞

番禺道中

聶古栢

玉斧飛霜大庾南萬松蒼翠洗煙嵐雲迷梧野山
羅戟月滿韶江水潑藍椰子漿寒殊似蜜荔枝香
煖絕勝柑中朝耆舊如相問鳥語啾啾正未諳

番禺

明一統志廣東廣州府番禺縣附郭秦置因縣有番禺二山故名漢以後皆因之

輿勝覽番山在

南禺山在北

大庾

見十卷梧野方輿勝覽廣東

置蒼

梧郡韶江

方輿勝覽韶州曲江源出大庾嶺與武水合回曲而流故名曲江

舟行至清遠縣見顧秀才極談惠州風物

之美

蘇軾

到處聚觀香案吏此邦宜著玉堂仙江雲漠漠桂

花濕海雨脩脩荔子然聞道黃柑常抵鵲不容朱
橘更論錢恰從神虎來弘景便向羅浮見稚川

惠州

屬廣東路見方輿勝覽

香案吏

見玉皇案注

玉堂

見十卷五卷抵

鵲

見十卷鵲玉注

朱橘

杜甫詩朱橘不論錢

弘景

南史陶弘景傳齊高帝作相引

為諸王侍讀除奉朝請永明十年脫朝服挂神武門上表辭祿止於句容之句曲山稚川
晉書葛洪字稚川聞交趾出丹砂求為勾漏令至廣州刺史鄧嶽畱不聽去乃止羅浮山鍊丹

自江陵泐流道中

劉禹錫

三千三百西江水自古如今要路津月夜歌謠有
漁父風天氣色屬商人沙村好處多逢寺山葉紅

時覺勝春行到南朝爭戰地古來名將盡為神元注

陸遜甘寧

皆有祠宇

江陵唐志江陵府江陵縣郡本荊州

湘口送人

李頻

中流欲暮見湘煙
岼葦無窮接楚田一作天
去鴈遠

衝雲夢雪離人
獨上洞庭風波盡
日緣山轉星

漢通霄向水連
回首羨君偏有我
故園歸醉又新

年一本云歸去及新年

湘口水經湘水出零陵陽海山方輿勝覽自陽海發源至零陵而營水會二水合流謂之

瀟湘雲夢左傳注雲夢跨江之南北漢陽洞庭方

圖經雲在江之北夢在江之南勝覽洞庭湖在巴陵縣西西吞赤河南連青草橫亘七八百里

題岳陽樓

白居易

岳陽城下水漫漫獨上危樓凭曲欄
春听綠時連夢澤夕陽紅處近
長安猿攀樹立啼何苦鴈點湖
飛渡亦難此地唯堪圖畫障
華堂張與貴人看

岳陽樓方輿勝覽岳陽樓在岳州郡治西南西面洞庭左顧君山不知創始為誰

赤壁懷古

崔塗

漢室河山鼎勢分勤王誰肯顧
无勲不知征伐由

天子唯許英雄共使君江上戰餘陵是谷渡頭春
在草連雲分明勝敗無尋處空聽漁歌到夕曛

赤壁

荆州記臨嶂山南峯曰烏林峯亦謂之赤壁吳周瑜破曹操處方輿勝覽赤壁山在

漢陽軍漢川縣西八十里輿地紀勝里人多言周瑜破曹操處按曹操自江陵順流而下周瑜自柴桑沂流而上兩軍相遇於赤壁則赤壁當臨大江臨嶂及漢川皆非臨江處舊經云今江漢間言赤壁者有五黃州嘉魚江夏漢陽漢川其說各有所據惟江夏之說近古而合於中

勤王

左傳求諸侯莫如勤王

英雄

蜀志先主傳曹公從容謂先主曰天下英雄惟

使君與操耳

得盧衡州書因以詩寄

柳宗元

臨蒸且莫歎炎方為報秋來雁幾行
 林邑東迴山似戟牂牁南下水如湯
 蒹葭漸瀝含秋雨橘柚玲瓏透夕陽
 非是白蘋洲畔客還將遠意問瀟湘

臨蒸

唐志衡州衡陽縣本臨蒸武德四年置開元二十年更名方輿勝覽衡陽本漢鄠縣

屬長沙國吳分鄠縣立臨蒸縣

雁

方輿勝覽回雁峯在衡陽之南雁至此不過遇春而回或

曰峯勢如雁之回

林邑

後漢郡國志交州日南郡象林縣今之林邑國

郡國志益州牂牁郡武帝置

白蘋洲

柳惲江南曲汀洲采白蘋日落江南春南史柳

惲傳為吳興太守按子厚

瀟湘

方輿勝覽衡州瀟湘帶其左

此詩為貶柳州而云也

蜀中三首

鄭谷

馬頭春向鹿頭關遠樹平蕪一望間雪下文君沽
酒市雲藏李白讀書山江樓客恨黃梅後村落人
歌紫芋間堤月橋燈好時景漢庭無事不征蠻

鹿頭關

寰宇記鹿頭山自綿州羅江縣界迤邐入漢州德陽縣界

沽酒市

史記

司馬相如傳文君夜亡奔相如相如乃與馳歸成都久之與俱之臨邛盡賣其車騎買一酒舍

沽酒而令

讀書山

方輿勝覽康山在綿州彰明縣北杜甫寄李白詩康山讀

文君當鑪書處頭白早歸來彰明有大小康山白讀書於大康山有讀書堂在清廉鄉後廢為隴西院

夜多無雨曉生塵草色嵐光日日新蒙頂茶哇干
點露浣花牋紙一溪春揚雄宅在唯喬木杜甫臺

荒絕舊鄰却共海棠花有約數年畱滯不歸人

浣花牋

方輿勝覽成都府土產有薛濤十色牋濤蜀妓也以紙為業李義山詩浣花牋

紙桃花色好好題書詠玉鈎

揚雄宅

方輿勝覽草玄臺圖經云即今中興寺有載酒

亭及黑池郫縣有子雲讀書臺趙清獻為記

杜甫臺

方輿勝覽杜甫宅在浣花溪

在成都府城西五里

海棠

方輿勝覽成都府土產海棠

渚遠江清碧簾紋小桃花繞薛濤墳朱橋直指金

門路粉堞高連玉壘雲窗下斲琴翹鳳足波中濯

錦散鷗群子規夜夜啼巴蜀不並吳鄉楚國聞

玉壘

元和志玉壘山在茂州汶川縣東北四里

濯錦

見一卷錦官城注

子規

蜀都賦注蜀紀曰昔有人姓杜名宇王蜀號曰望帝宇化俗說云宇化為子規子規鳥名也蜀人聞子規鳴皆曰望帝也華陽國志杜宇禪位於開明升西山隱焉時適二月子鵑鳥鳴故蜀人悲子鵑鳥鳴也

籌筆驛

李商隱

猿鳥猶疑畏簡書風雲長為護儲胥徒令上將揮神筆終見降王走傳車管樂有才真不忝關張無命欲何如他年錦里經祠廟梁甫吟成恨有餘

籌筆驛

方輿勝覽籌筆驛在綿州綿谷縣北九十九里蜀諸葛武侯出師嘗駐軍籌畫

於簡書

詩豈不懷歸畏此簡書

儲胥

長楊賦木擁槍累以為儲胥注蘇林曰木

擁柵其外又以竹槍纍為外儲

胥也蘇林曰儲胥藩落之類也

降王

魏鄧艾破蜀後主銜

壁輿輓降見

管樂

蜀諸葛亮傳亮每自比於管仲樂毅

錦里

見七卷

蜀志後主傳

命祠廟

方輿勝覽武侯廟在成都廟西北二里今為乘煙觀

梁甫吟

蜀諸葛亮傳亮躬耕隴畝好為梁父吟

躬耕隴畝好為梁父吟

利州南渡

温庭筠

澹然空水對斜暉曲島蒼茫接翠微波上馬嘶看

棹去柳邊人歇待船歸數叢沙草群鷗散萬頃江

田一鷺飛誰解乘舟尋范蠡五湖煙水獨忘機

利州

唐利州益昌郡屬

范蠡

史記貨殖傳范蠡既雪會稽之耻乃

乘扁舟泛五湖國語反至五湖范蠡辭於王曰

於江湖見五

洛中送楊處厚入關便遊蜀 劉禹錫

洛陽秋日正淒淒君去西秦更向西舊學三冬今

轉富曾傷六翮養初齊王城曉入窺丹鳳蜀路晴

來見碧雞早識卧龍應有分不妨從此躡丹梯

三冬

漢東方朔傳臣朔年十三學書三冬文史足用 六翮班固擬連珠

六翮以凌雲帝王乘英雄以濟民

丹鳳

玉海唐丹鳳門大明宮正南門也

碧雞

見十

卧龍

見七

丹梯

謝朓詩要欲追奇趣即此陵丹梯

長安夜遊

袁不約

鳳城連夜九門通
帝女皇妃出漢宮
千乘寶車珠箔捲
萬條銀燭碧紗籠
歌聲緩過青樓月
香靄潛來紫陌風
長樂曉鍾歸騎後
遺簪墮珥滿街中

九門

見十五卷九關注

長樂

見二卷

潼關河亭

薛逢

重岡如抱嶽如蹲
氣躡秦川勢自尊
天地併功開帝宅
山河相奏束龍門
櫓聲嘔軋中流渡
柳色微茫遠岍村
滿眼波濤終古事
年來惆悵與誰論

潼關

元和志潼關在華州華陰縣東北三十九里關西一里有潼水因以名

龍門

元和志龍門山在京兆府韓城縣北五十里

登夏州城樓

羅隱

寒城獵獵戍旗風獨倚危闌悵望中
萬里山川唐土地千年魂魂晉英雄
離心不忍聽邊馬在事應須問塞鴻
好脫儒冠從校尉一枝長戟六鈞弓

夏州

唐夏州朔方郡屬閣內道見唐志

晉英雄

晉書載記赫連勃勃字屈子苻

堅以為西單于及堅國亂遂有朔方之地

六鈞弓

見十二卷

句

雕影遠盤青海月雁聲斜送黑山秋

陳孚開平
即事

天將山海為城塹人倚雲霞作綺羅

馬祖常龍
虎臺應制

三山半落青天外二水中分白鷺洲

李白登金
陵鳳凰臺

松桂影中旌旆色芰荷風裏管弦聲

韋莊漢州

天竺雨餘山撲翠海門潮上日蒸紅

張翥憶錢
塘

近光集卷十八 七言律

長洲汪士鋐 文升編纂

長白海 齡 涵百叅注

帝王

奉和白相公聖德和平致茲休運歲終功
就合詠盛明呈上三相公 杜牧

行看臘破好年光萬壽南山對未央
黠憂可汗修職貢文思天子復河湟
應須日馭西巡狩不假星弧北射狼
吉甫裁詩歌盛業一篇江漢美宣王

未央

見六卷

黠戛

唐回紇傳黠戛斯古堅昆國也地當伊吾之西焉者北白山之

旁乃匈奴

可汗

唐突厥傳更號可汗猶單于也

河湟

唐吐蕃傳湟水出蒙

西鄙也 谷抵龍泉與河合河之上流繇洪濟梁西南行二千里水益狹其南三百里曰紫山古所謂崑

崑崙者也東距長安五千里河源出

日馭

廣雅曰御日羲

其間故世舉謂西戎地曰河湟

和星弧之封狼注威弧星名漢書曰狼下有四

星曰弧河圖曰幡冢山名此

江漢

詩序江漢尹吉甫美宣王

也

今皇帝陛下 一詔徵兵不日功集河湟諸

郡次第歸降臣獲親聖功輒獻歌詠

杜牧

捷書皆應睿謀期十萬曾無一鏃遺漢武慚誇朔
方地宣王休道太原師威加塞外寒來早恩入河
源凍合遲聽取滿城歌舞曲涼州聲韻喜參差

皇帝

謂武宗也唐武宗紀會昌二年五月回鶻盟沒斯降遺鏃賈誼過秦論秦無亡

矢遺鏃之費而天下諸侯已困矣

朔方地

漢武帝紀天漢四年遣貳師將軍李廣利

將六萬騎步兵七萬人出朔方

太原師

詩六月薄伐獫狁至於太原詩序六月宣王北

伐也

涼州

見四卷伊涼注

享龍池樂章

其七

蘇頲

西京鳳邸躍龍泉佳氣休光鎮在天軒后霧圖今
已得秦皇水劍昔常傳恩魚不入昆明釣瑞鶴長
如太液仙願侍巡遊同舊里更聞簫鼓濟樓船

龍池

見二卷

樂章

唐會要開元二年閏二月祠龍池蔡孚獻龍池篇公卿已下一

百三十篇太常考其合律者為樂章十首

霧圖

帝王世紀黃帝時天大霧三日帝遊洛川

之上見大魚殺三牲以醮之天乃甚雨七日七夜魚流始得圖書

水劍

見二卷洛水金

人恩魚

見二卷

太液

見一卷

簫鼓樓船

漢武帝秋風辭汎樓船兮

濟洛河橫中流兮揚素波簫鼓鳴兮發棹歌

享龍池樂章

其一

姚崇

恭聞帝里生靈祉應報明君鼎業新既叶翠泉光
寶命還符白水出真人當時舜海潛龍躍此日堯
河帶馬巡獨有前池一小雁叨承舊惠入天津

翠泉

河圖挺佐輔黃帝祓齋七日至於翠嬀之川大鱸魚折溜而至泛白圖蘭葉朱文以

授黃帝名曰籙圖

白水

東京賦我世祖忿之乃龍飛白水鳳翔參墟注白水謂南陽白

水縣世祖所起之處也

小雁

用雁沼事見九卷

奉和恒陽太守春日侍駕耕籍承恩賜宴

之作二首

揭軌

玉趾親勞舉籍田花間冠冕總承宣頌聲已見登

三五貢法徐看耦十千翠輦省耕陳夏諺金閨錫
宴奏虞弦恒陽詞賦知無敵鳳閣裁詩賀有年

耕籍

禮記天子為籍千畝冕而朱紘後漢禮儀志注應劭曰籍者帝王典籍之常也韋昭

曰借民力以治之以奉宗廟也

玉趾

左傳寡君聞君親舉玉趾將辱於敝邑

三五

史記孔子世家楚令尹子西曰孔子述三五之法明周召之業

十千

詩亦服爾耕十千維

耦

金閨

見八卷

百花輦路馬如雲遙望前矛曙色分樂出彤庭陳
大武禮勤玉輅邁思文東郊耕籍尊清廟南國宣
風自汝墳佳氣青春彌海宇郊垆爭睹鳳麟群

彤庭

見一卷

大武

周禮注疏王樂曰大武

玉輅

周禮王之五輅一曰玉輅

思文

詩思文后稷克配彼天

東郊

禮記天子親耕於南郊以供齋盛諸侯耕於東

郊疏籍田並在東南

汝墳

詩序汝墳道化行也文王之化行乎汝墳之國婦人能閔其君

子猶勉之以正也

贈寫御容李長史

李遠

玉座煙消硯水清龍髯不動綵毫輕乍分隆準山

河秀初點重瞳日月明宮女卷簾皆暗認侍臣開

殿盡遙驚三朝供奉應無敵始覺僧繇浪得名

隆準

漢高帝紀高祖為人隆準而龍顏注服虔曰準音拙應劭曰隆高也準頰權準也李

斐曰準鼻也文穎

曰音準的之準

重瞳

史記項羽紀舜目蓋重瞳子注尸子曰舜兩眸

子是謂重瞳

僧繇

名畫記張僧繇於金陵安樂寺畫四龍不點睛云點之即飛去人以

為誕因請點之須臾雷電破壁龍乘雲上天

東宮壽詩

范成大

再造炎圖撫太寧
龍樓毓德會千齡
三宮疊矩深邦本
兩曜重光炳帝廷
自古東明陪出日
祗今南極是前星

鈞天歲歲家人禮
長對堯階第四窠

太寧

鵬冠子其德上及太清下及太寧

龍樓

漢成帝紀帝為太子嘗急召太子

出龍樓不敢絕馳道西至直城門得絕乃度還入作室門上遲之問其故以狀對上大悅

光

見六卷
海潤注

東明

見六卷
青宮注

日出

晝寅寅
出日

南極

漢天
文志

老人星
曰南極

前星

見六卷

鈞天

見十六卷
九天注

冀

見二卷
落冀注

勅借岐王九成宮避暑應教

王維

帝子遠辭丹鳳闕
天書遙借翠微宮
隔窗雲霧生
衣上卷幔山泉入
鏡中林下水聲喧
語笑巖間樹
色隱房櫳仙家未必能勝此
何事吹笙向碧空

岐王

見六卷

九成宮

寰宇記九成宮在鳳翔府麟
遊縣西本隋仁壽宮唐貞觀

五年以備清暑
改名九成宮

丹鳳闕

見十卷

翠微宮

按九成宮
當在山中

故借翠微對丹鳳非
終南山之翠微宮也

吹笙

見六卷

宴曹王宅

錢起

賢王駟馬退朝初
小苑三春帶雨餘
林沼蔥蘢多
貴氣樓臺隱映接
天居仙雞引敵穿
紅藥宮燕銜
泥落綺疎自嘆平生相識願
何如今日廁應徐

曹王

名臯字子蘭太宗子曹王明玄孫天寶十一載嗣王見唐宗室傳

應徐

魏王

粲傳始文帝為五官將粲與北海徐幹汝南應瑒並見友善

贈崔禮駙馬

王建

鳳凰樓閣連宮樹
天子崔郎自愛貧
金埒減添栽
藥地玉鞭平與賣
書人家中弦管聽常少
分外詩

篇看即新一月一迴陪內宴馬蹄猶厭踏香塵

金埒

晉王濟傳尚常山公主時洛京地甚貴濟買地為馬埒編錢滿之時人謂為金溝

贈郭駙馬

李端

青春都尉最風流二十功成便拜侯
金距鬪雞過上苑玉鞭騎馬出長楸
熏香荀令偏憐小傅粉何郎不解愁
日暮吹簫楊柳陌路人遙指鳳凰樓

都尉

漢百官公卿表駙馬都尉掌駙馬

金距

左傳季郈之雞鬪季氏介其雞郈氏

為之金距注金距施金芒於距也

上苑

見一卷上林注

長楸

楚辭望長楸而太息

曹植詩鬪雞東郊道走馬長楸間

荀令

見七卷

何郎

語林何平叔美姿儀面純

白魏文帝疑其傅粉夏月以湯餅食之汗出以朱衣拭之面色皎然 鳳凰樓 見六卷

宴駙馬宅

張蠡

牙香禁樂鎮相攜日日君恩降紫泥紅藥院深人
半醉綠楊門掩馬頻嘶座中古物多仙意壁上新
詩有御題別向庭廡寘吟石不教宮妓蹋成蹊

紅藥

見十卷

紫泥

見一卷

劉駙馬水亭避暑

劉禹錫

千竿竹翠數蓮紅水閣虛涼玉簟空琥珀琰紅疑
瀉酒水晶簾密更通風賜冰滿盃沈朱實法饌盈

盤覆碧籠盡日逍遙避煩暑再三珍重主人翁

主人翁

史記范睢傳主人翁習知之

題崔駙馬林亭

釋無可

宮花野藥半相和藤蔓參差惜不科
織草連門畱徑細高樓出樹見山多
洞中避暑青苔滿池上吟詩白鳥過
更買太湖千片石壘成雲頂綠嵯峨

句

仗隨騏驥通朝貢孟進夔龍祝壽康

貢師泰天壽節

御筆丹青爭炳煥宸章雲漢共昭回

汪藻君臣慶會閣

碧樹青岑雲外聳朱樓畫閣水中開

李嶠太平公
王山亭侍宴

白練鳥飛深竹裏朱弦琴在亂書中

朱餘慶題崔
駙馬林亭

新開金埒看調馬舊賜銅山許鑄錢

李端郭駙
馬宅

數樹異花皆勅賜並竿修竹自天生

姚合崔駙
馬宅

中朝駙馬何平叔南國詞人陸士龍

韓翃宴楊
駙馬山池

織女橋邊烏鵲起仙人樓上鳳凰飛

太平公主
南莊

迴文地簾龍鱗浪交鎖天窗蟬翼紗

鮑溶夏日
懷杜駙馬

玉沼蘋開魚上躍綵簾花妥燕低飛

揭軌大長
公主林館

官寮上

上張弘靖相公

王建

傳封三世盡河東家占中條第一峯旱歲天教作
霖雨明時帝用補山龍草開舊路沙痕在日照新
池鳳跡重卑散自知霄漢隔若為門下賜從容

張弘靖

唐書弘靖字元理元和中拜刑部尚書同中書門下平章事

三世

弘靖

祖嘉貞蒲州猗氏人明皇時拜同中書門下平章事父延賞德宗時拜中書侍郎同中書門下

平章事

中條

元和志中條山在河中府解縣南二十里

霖雨

書若歲大旱用

汝作

山龍

書日月星辰山龍華蟲作會

沙痕

見

卷沙鳳池

堤注

卷一

上武元衡相公

王建

旌旗坐鎮蜀江雄
帝命重開舊閣崇
褒貶唐書天曆上
捧持堯日慶雲中
孤情迥出鸞皇遠
健思潛搜海嶽空
長得蕭何為國相
自西流水盡朝宗

開閣

見七卷丞相閣注

春題劉相公山齋

初相公初除太子賓客

錢起

能以功成疎寵位
不將心賞負雲霞
林間客散孫弘閣
城上山宜綺季家
蝴蝶晴憐池岼葉
黃鸝曉

出柳園花日陪鯉也趨文苑誰道門生隔絳紗

孫弘

見七卷承相閣注

綺季

見五卷四皓注

絳紗

後漢馬融傳常坐高堂施

絳紗帳前授生徒後列女樂

上裴晉公

李羣玉

四朝憂國髻成絲龍馬精神海鶴姿天上玉書傳
詔夜陣前金甲受降時曾經庾亮三秋月下盡羊
曇一局棋惆悵舊堂局綠野夕陽無限鳥飛遲

裴晉公

唐裴度傳元和十二年策勳進金紫光祿大夫弘文閣大學士上柱國晉國公

四朝

謂憲宗穆宗敬宗文宗本傳其威譽德業比郭汾陽事四朝以全德始終

庾亮

見三卷 羊曇 晉謝安傳苻堅率眾號百萬次於

康公注 淮淝京師震恐加安征討大都督

謝玄入問計安夷然無懼色命駕出山墅親朋

畢集方與玄圍棋賭別墅安嘗基劣於玄是日

玄懼便為敵手而又不勝安 綠野 見七

顧謂其甥羊曇日以墅乞汝 卷

奉和晉公侍中蒙除畱守行及洛師感悅

發中斐然成詠 白居易

鸞鳳翱翔在寥廓貂蟬瀟灑出埃塵致成堯舜昇

平代收得夔龍強健身拋擲功名還史冊分張歡

樂與交親南山老皓雖休去終是畱侯門下人

畱守 見七卷 貂蟬 見二卷 老皓 見五卷

東洛注 金貂注 紫芝注

送裴相公上太原

王建

還攜堂印向并州將相兼權是武侯時難獨當天
下事功成却進手中籌再三陳乞爐煙裏前後分
章玉案頭朱架早朝排立戟綠槐殘雨看張油遙
知鴈塞從今好直得漁陽以北愁邊鋪恐巡旗盡
換山城欲過館重修千群白刃兵迎節十對紅妝
妓打毬聖主分明教暫去不須高起見京樓

并州

見四卷

張油

梁宗室傳蕭韶爲郢州刺史庾信途經江夏坐信青油幕下

雁塞

見四卷

漁陽

見四卷

送令狐尚書赴東都畱守

白居易

翠華黃屋未東巡，碧洛青嵩付大臣。地稱高情多
水竹，山宜閑望少風塵。龍門卽擬爲遊客，金谷先
憑作主人。歌酒家家花處處，莫空管領上陽春。

令狐尚書

唐令狐楚傳長慶二年入爲戶部尚書俄拜東都畱守

翠華

見六

卷

嵩

元和志嵩高山在河南府登封縣北八里

龍門

在河南府河南縣見唐志

金

谷

見十四卷

上陽

見四卷

同樂天送令狐相公赴東都畱守

劉禹錫

尚書劍履出明光居守旌旗赴洛陽世上功名兼

將相人間聲價是文章衙門曉闢分天仗賓幕初

開辟省郎從發波頭向東望春風處處有甘棠元注

自華陝至河南皆故林也

劍履史記蕭相國世家

賜帶劍履上殿

明光漢武帝紀太初四年秋起明光宮

甘棠見四卷棠陰注

送令狐相公赴太原
白居易

六纛雙旌萬鐵衣并汾舊路滿光輝青衫書記何

年去紅旆將軍昨日歸詩作馬蹄隨筆走獵酣鷹

翅伴觥飛北都莫作多時計再為蒼生入紫微

六纛雙旌

見十卷一紫微見二卷紫垣注

和白侍郎送令狐相公鎮太原

劉禹錫

十萬天兵貂錦衣晉城風日斗生輝行臺僕射新
恩重從事中郎舊路歸疊鼓蹙成汾水浪閃旗驚
斷塞鴻飛邊庭自此無烽火擁節還來坐紫微

行臺僕射

唐志武德初邊要之地置總管以統軍有行臺有大行臺其員有尚書省

令一人僕射二人自左右丞以下諸司郎中略如京省

從事中郎

續漢書百官志

太尉從事中郎二人〔本注〕職叅謀議〔按〕令狐楚傳李說嚴綬鄭儋繼領太原高其行引在幕府由掌書記至判官蓋楚曾爲太原幕官故云舊路歸也

宣武令狐相公以詩寄贈傳播吳中聊奉

短章用申酬謝

白居易

新詩傳詠忽紛紛楚老吳娃耳徧聞盡解呼爲好才子不知官是上將軍詞人命薄多無位戰將功高少有文謝朓篇章韓信鉞一生雙得不如君

宣武

〔唐〕令狐楚傳敬宗立拜爲河南尹遷宣武節度使

謝朓

〔南史〕謝朓字玄暉有

美名文章清麗長五言詩

觀校獵上淮西相公

劉長卿

龍驤校獵邵陵東野火初燒楚澤空師事黃公千
載後身騎白馬萬人中笳隨曉吹迎邊草箭入寒
雲落塞鴻三十擁旄誰不羨周郎少小立奇功

龍驤

杜氏通典龍驤將軍晉武帝置以王濬為之

校獵

見六卷

邵陵

明一

統志召陵故城在開封府鄆城縣東四十五里春秋盟於召陵即此

七黃公

史記留侯世家良閒嘗從容遊下邳圯上有一老父出一編書曰讀此則為王者師矣後十三年孺子見我濟北穀城山下黃石郎我矣旦日視其書乃太公兵法也後從高祖過濟北果見穀城山

下黃石取而葆祠之

周郎

吳周瑜傳策親自迎瑜授建威中郎

將瑜時年二十四
吳中皆呼爲周郎

獻淮寧軍節度使相公

劉長卿

建牙吹角戟門喧三十登壇衆所尊
家散萬金酬士死身畱一劍
答君恩漁陽老將多迴席魯國諸
生半在門白馬翩翩春草細
邵陵西去獵平原

送魏州李相公

劉長卿

百代功勳一日成三年五度換雙旌
閑來不對人論戰難處長
先自請行旗下可聞誅敗將
陣頭多是用降兵當朝面受新恩去
算料妖星不敢生

嚴司空荆南見寄

武元衡

金貂再領三公府玉帳連封萬戶侯
簾捲青山巫峽曉煙凝碧樹渚宮秋
劉琨坐嘯風生苑謝朓裁詩月滿樓
白雪調高歌不得美人南國翠蛾愁

金貂

見二卷

玉帳

抱朴子兵在太乙玉帳之中不可攻也張溟雲谷雜記按袁卓

遁甲專征賦云或倚直使之遊宮或居貴神之玉帳蓋玉帳乃兵家厭勝之方位主將於其力置方位則巫峽見五渚宮見十劉琨晉劉琨傳堅不可犯巫峽卷二卷

常為胡騎所圍乃乘月登樓清嘯賊聞之皆悽然長嘆

白雪

見一卷郢歌注

送靈州田尚書

薛逢

陰風獵獵滿旗竿白草颼颼劍氣攢九姓羗渾隨
漢節六州蕃落從戎鞍霜中入塞琯弓硬月下翻
營玉帳寒今日路傍誰不指穰苴門戶慣登壇

九姓

唐突厥傳明皇朝默啜討九姓戰磧北

六

州

唐地理志調露元年於靈夏南境以降突厥置魯州麗州含州塞州依州契州以唐人爲

刺史謂之六胡州

穰苴

史記司馬穰苴者田完之苗裔也齊景公時以爲將軍尊爲大

司馬

蜀中上王尙書

張籍

梓桐花幕碧雲浮天許文星寄上頭武略劍峯環

相府詩情錦浪浴山州丁香風裏飛牋草
叩竹煙中動酒鈎自古高名閑不得肯容王粲賦登樓

梓桐

左思蜀都賦其樹則有木蘭侵桂杞橈椅桐

劍峯

見五卷劍門注錦浪

見一卷錦官城注

叩竹

蜀都賦叩杖傳節於大夏之邑叩竹杖以節為奇故曰傳節

登樓

王粲有登樓賦

同夢得暮春寄賀東西川二楊尚書

白居易

龍節對持真可愛鴈行相接更堪誇
兩川風景同三月千里江山屬
一家魯衛定知聯氣色潘楊亦

覺有光華

元注子與二公皆忝姻戚

應憐洛下分司伴冷宴閑

遊老看花

龍節

見八卷金節注

鴈行

禮記兄弟之齒鴈行之

潘楊

潘岳楊仲武詩潘楊之睦

有自來矣

詠德上太原李尚書

歐陽詹

那以公方郭細侯并州非復舊并州九重帝宅司
丹地十萬兵樞擁碧油鏘玉半為趨閣吏腰金皆
是走庭流王褒頌德空知感身在三千最上頭

郭細侯

後漢書郭伋字細侯王莽時為并州牧建武十一年帝以盧芳據北土乃調伋

為并丹地

見六卷

碧油

見七卷

王褒

見十六卷布宣漢德注

題康里子山尚書凝春小隱六韻

虞集

群玉府中香滿袖凝春亭裏看花開綵雲近席微
風動紅日當牕好客來西海珊瑚階下長東家蝴
蝶雪中回竹深每聽尚書履池煖時分太液杯鳳
味浮煙金錯落鵝群隨水白毡毳人間應得箇封
帖青李來禽繞舍栽

群玉府

穆天子傳至於群玉之山先王之所謂策府注言往古帝王以為藏書冊之府

尚書履

見七卷聽履注

太液

見一卷

鞞

潘岳射雉賦敷藻翰之陪鞞注

陪鞞奮怒之貌陪亦作鞞

青李來禽

王羲之來禽帖來禽青李櫻桃日給藤子皆囊

盛為佳函封多不生足下所疏云此果佳可為致當種之

次韻馬伯庸尚書

虞集

邃閣晨趨禁掖西
暮街騎馬及雞栖
退朝每想花邊散
得句應從竹上題
賜被南宮無宿火
齋居方丈有蒸藜
鳳池何似承明近
久候文星共聚奎

雞栖

杜甫詩避人焚諫草騎馬欲雞栖

花邊

杜甫詩退朝花底散歸院柳邊迷

賜被

見十卷大官侍史注

南宮

見八卷

方丈

見七卷

承明

漢嚴助傳

汪承明廬在金馬門外

春日投錢塘元帥尚父

羅隱

正憂衰老辱金臺敢望昭王顧問來門外
旌旗屯虎豹壁間章句動風雷
三都節已聯翩降兩地花
應次第開若比紫髯分鼎足未聞餘力有瓊瓌

元帥尚父

五代史吳越世家梁太祖即位封錢鏐吳越王兼淮南節度使乾化二年

尊鏐尚父末帝貞明二年加鏐天下兵馬都元帥開府置官屬

金臺

見十卷

紫髯

獻帝春秋張遼問吳降人有紫髯將軍是誰降人答曰是孫會稽

鼎足

史記貨殖傳三

河在天下之中若鼎足

錢塘府亭

羅隱

新恩別啓館娃宮還拜吳王向此中九牧土田周
制在兩藩茅社漢儀同春生舊苑芳洲雨香入高
臺小徑風更有寵光人未見問安調膳盡三公

館娃宮

方輿勝覽靈巘山在平江府城西二里十四里吳王之別苑在焉有館娃宮

芳

洲

方輿勝覽長洲苑在本縣西南七十里

小徑

方輿勝覽靈巘山前十里有採香徑

獻僕射相公

薛能

清如冰玉重如山百辟嚴趨禮絕攀強虜外聞應
破膽平人長見一作盡開顏朝廷有道青春好門

館無私白日閑致卻垂衣更何事幾多詩句詠關

關

僕射

唐志尚書省左右僕射各一人從二品掌統理六官為令之貳

寄廣南劉僕射

殷文珪

戰國從今却尚文品流才子作將軍畫船清宴蠻

溪雨粉閣閑吟瘴嶠雲暴客卸戈歸惠政史官調

筆待儒勲漢儀一化南人後牧馬無因更夜聞

寄參政許可用

薩都刺

紫髯參政黑頭公日日鳴珂近九重花底聽鶯黃

閣散御前剖竹

一作批鳳

紫泥封都

一作却

將筆下文章

潤散作人間雨露濃未信吟詩趨幕府霜寒

一作寒霜

翠袖倚芙蓉

參政

元志參政二員從二品副宰相以參大政而其職亞於左右丞

黑頭公

晉王

恂傳弱冠與陳郡謝玄為桓温掾俱為温所敬重嘗謂之曰謝掾年四十必擁旄杖節王掾當

為黑頭公皆

未易才也

珂

見一卷

黃閣

見十卷

送王參政上京奏選二首

馬祖常

滇池細馬蹋龍沙宰

一作參

相朝天路不賒峽裏琴

泉春作乳月中珠樹夜成花三千禮樂尊儒術百

二山河壯帝家魚上禹門無點額直郎宣奏日當

衙

滇池馬

明一統志雲南府昆明縣漢為滇池縣又云昆明富民宜良三縣出馬世稱西

馬珠樹

見一百二見十點額見九卷

千官吉日聽宣麻白髮文

一作

臣帝汝嘉池鳳有

毛皆五色蕊珠無樹不三花綠綵詔底書分雨紅

錦囊中字剪霞天路北盤三十六歸時秋月滿京

華

麻

見七卷白麻注蕊珠君治蕊珠貝闕

三花

李白詩去時應

過嵩少間相思爲折三
花樹詳見九卷貝花注
綠綈漢孝成趙皇后傳
中黃門持詔記盛

綠綈方底注綈厚

繪也方底盛書囊

贈夏州胡常侍

羅隱

百尺高臺勃勃州大刀長戟漢諸侯征鴻過盡邊
雲濶戰馬閑來塞草秋國計已拚肝膽許家財不
爲子孫謀仍聞隴蜀猶多事深喜將軍未白頭

常侍

唐志門下省左散騎常侍二人正
三品下掌規諷過失侍從顧問

勃勃州

見十七卷

晉英雄注

贈王內侍樞密

王建

王建宮詞舊跋建太和中為陝州司馬初為渭南尉與宦者王守澄有宗人之分因過飲以相譏戲守澄深憾曰吾弟所作宮詞禁掖深窅何以知之將奏劾建以詩解之事遂寢

三朝行坐鎮相隨今上春宮見小時脫下御衣偏

才調賜著進來龍馬每才調教騎長承密旨歸家

作先少獨奏邊情出殿遲不是當家親才調向說九重

爭遣才調外人知

樞密唐會要樞密院掌天子之機務及天下邊境軍馬之政令又云代宗永泰中置內樞

密事始以宦者為之

上裴中丞

楊巨源

六年西掖弘湯誥三捷東堂總漢科政引風霜成
物色語回天地到陽和清威更助朝端重聖澤曾
隨筆下多應笑白鬚揚執戟可憐春日老如何

中丞

見八卷

西掖

劉楨詩誰謂相去遠隔此西掖垣初學記前世文士以中書在

右因謂中書為右曹又稱

東堂

晉摯虞傳武帝詔諸賢良方正

直言會東堂策問玉海晉制

揚執戟

揚雄解嘲位不過侍

郎擢纔給事黃門史記淮陰侯傳臣事項王官

不過郎中位不過執戟張晏曰郎中宿衛執戟

之人

也

酬郭給事

王維

洞門高閣靄餘暉桃李陰陰柳絮飛
禁裏疎鍾官舍晚省中啼鳥吏人稀
晨搖玉珮趨金殿夕捧天書拜瑣闈
強欲從君無奈老將因卧病解朝衣

給事

唐志門下省給事中四人正五品掌侍左右分判省事凡百司奏抄駁正違失詔勅

不便者塗竄而奏還

洞門

漢董賢傳賢起大第北闕下重殿洞門注洞門謂門門相當也

瑣闈

見十卷

贈補闕裴舍人

錢起

春城紫禁曉陰陰二月黃鸝飛上林

才調本

長樂鍾

聲花外盡龍池柳色雨中深陽和不散窮途恨霄
漢長懸捧日心獻賦十年猶未遇羞將白髮戴華
簪

補闕

唐志門下省左補闕六人從七品掌供奉
諷諫中書省右補闕六人掌如門下省

紫禁

見二卷

長樂

見二卷

龍池

見二卷

句

十二銅魚尊畫戟三千犀甲擁朱輪

陳陶贈韋中丞

列國山河分鴈序一門金玉盡龍驤

陳陶賀韋中丞賢兄經略

蟬鬢應誇丞相少貂裘不覺太原寒

白居易寄太原李相公